

来斋金石考

林侗

文硕阁

wenshuoge.com

目录

关于我们	3
提要	5
来斋金石刻考畧原序	6
来斋金石刻考畧卷上	7
来斋金石刻考畧卷中	22
来斋金石刻考畧卷下	49

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案来斋金石刻考略三卷

国朝林侗撰侗字同人侯官贡生中书舍人佶之兄也侗少好金石文字尝游长安求得汉甘泉宫瓦于淳化山中又携拓工厯唐昭陵陪 地得英公李勣以下十有六碑当时称其好事是编乃总録古今碑刻凡夏商周六秦汉十九魏一吴一晋五梁一后魏三北齐一后周二隋八唐一百七十三皆据目见者书之中间辨证大抵取之顾炎武金石文字记而颇以己意为折衷多所考据又録唐诸帝御书碑十四种独斥武后不与亦深合排抑僭伪之义惟首列夏禹 嶭碑载其友刘螯石説谓当在祝融峰顶未免失之好奇又于各碑后载入赋咏诗篇亦非欧赵以来题跋之体特其搜罗广博鉴别尚颇详审故考金石者亦有取焉乾隆四十三年七月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

来斋金石刻考畧原序

来斋金石刻考畧若干卷吾友闽中林于野侗所集錄也尊甫立轩先生今八十矣自元旦至岁除手未尝释卷礼俗土概屏不得见惟以读书为乐家有故业遭乱沦失止余小轩容膝傍構为楼树蕉竹花果藤蔓之属于檐隙焚香拭几环壁皆图书终日与于野及其仲子鹿原佶俛仰其间泊如也初先生以明经为令于秦为牧于魏与蜀皆有惠政于野从宦游所至搜辑古今石书已成帙及先生解组归于野多交四方士属转相购求所得日益广于夏得岫嵎碑于商得比干墓铜盘铭于周得坛山石刻石鼓文鼎铭孔子题吴季子墓碑于秦得峰山碑至汉则得刻本十九魏吴各一晋六梁一北魏三北齐一周二隋十六而唐最多唐以后无取焉以其近且不胜收也于是分汉魏碑刻为一部唐昭陵陪葬十六碑为一部鹿原又合夏至唐共为总錄一部考定史乘之同异兼正欧阳永叔赵明诚杨用修都 敬王元美赵子函诸家之得失沿波讨原由端竟绪卓然成书以示来学好古者能无乐于斯与于野之得是书也凡遠防必携良工楮墨以从亲为摹搨其披榛縋险盖有田夫牧防所不能至而奋往不顾者及归篋笥即手为装潢防以名木又若寶玉不足为贵轩冕不足为荣而惟此之珍惜焉世之人逐逐焉各徇其所求未有不以为迂者矣而立轩先生非读书不乐日顾之而色喜则于野之所以娱亲者在是也且与鹿原以古文辞名天下而书法尤擅一时其所得不更多与况诸子继起所以振兴家学者未有已也然则以彼易此于野不愿也予向在许州见關忠义庙中插刀石属北齐天保三年所制大佛莲座有记犹可搨又金陵灵谷寺钟铭曰周辟□钟文作□□□皆古篆 可爱天下遗文弃置于荒寂中者不少安得于野辈悉收之成书虽金朽石泐而斯文仍在穹壤间也宿松朱书题

来斋金石刻考畧卷上

侯官林侗撰

夏

衡山岫嵎峰石刻

禹书在岫嵎峰者不当称碑洪荒初辟未尝有碑制若重刻于祝融峰及他书院者或用石四片或两片乃可言碑耳按徐灵期衡山记夏禹导水通渚刻石书名山之巔唐刘禹锡寄吕衡州诗传闻祝融峰上有神禹铭古石琅玕姿秘文龙虎形崔融云于铄大禹显允文德龙画傍分螺书匾刻韩退之诗岫嵎山尖神禹碑字青石赤形摹竒科斗拳伸薤倒披鸾飘凤泊拏虎螭事严迹秘鬼莫窥道人独上偶见之我来咨嗟涕涟漉千搜万索何处有森森绿树猿猱悲古人称禹书者不一若刘禹锡盖徒闻其名耳未至其地也韩退之至其地矣未见其石也崔融所云则似见之矣宋朱晦翁与张南轩防南岳寻访不获其后作韩文考异遂谓退之诗为传闻之误嘉定中蜀士何致子一因樵者指得其处摹搨刻于夔门观中后俱亡而岳麓书院及祝融峰诸处又重刻之转相摹仿郡国遂多刻石余友上杭刘鳌石避乱祝融峰读书僧舍数年常亲至其处摩挲久之印归一纸真如崔融所云龙画傍分螺书匾刻是也然则形模之竒怪变灵秘岂后世所能彷彿万一哉鳌石又云其石不圆不方濶可八九尺径可丈余未至岫嵎絶顶倚于崖壁之间而高出其上形色不类本山自然之石似是人力安措承帝二字间有一孔相传异人以尘柄负挈来此峰高不及祝融而峭过之非久居山中有土人指引则不得径路故好古如退之晦翁皆不获见岫嵎字画体圆而意变灵怪不可端倪甄丰竒字颇有其意汉人法钟王楷书皆有所本拙手重翻神圣之灵迹亡矣

商

比干墓铜盘铭

今在卫辉府汲县北十五里比干墓上府志曰比干墓铜盘铭碑石残断字画失真万厯十五年知府周思宸重摹汝帖立石于墓前按薛尚功云开元四年游于武之竒于偃师耕获获一铜片槃形四尺六寸上镂丈深二分其文云右林左泉后道前冈万世之寶兹焉是藏其左右前后冈道并存惟林字无矣泉字亦存考诸图籍即比干之墓府志又载思宸云至元延祐戊午学正王悦临摹汝帖勒石今考啸堂集古録与汝帖迥异证以三代欵式秦汉碑刻则啸堂尚似而旧体亦未可必也惜左右字讹谨按地形改正并摹二篆以献博雅君子路傍有殷太师比干墓碑不知竖于何时歲久将仆亦命直之俾往来者得知所遇阅通志兹墓乃载于偃师县移文覈焉止云因耕者得铭而竟忘其墓所噫铭一也何两地而俱得欵此有庙墓而志不载彼无实而虚载焉书之不可尽信也如此夫【史记周武王封比干子坚为长林侯此林氏受姓之始不敢忘也】余庚子夏入秦过函谷關门数步路北山半有龍逢墓碣仅三尺许山颇陡絶又三十余年壬申春二月再过關门碣已倒矣今之称忠臣者首龍逢比干而比

干庙墓特盛龙逢缺然则后人表章之功岂可少哉予始愧不能登山拜墓复愧旅人不能竖碑惟有一慨

周

坛山石刻

吉日癸巳四字世传穆王登坛山刻此于石宋宋祁寻而摹之县令刘庄凿取归州权郡事李祐龕置防事右壁而为之跋宋濂攷据欵式以为吉日字与周淮父卣伯硕父鼎齐侯钟诸欵式合实二千年奇迹赵明诚金石录独以笔画类小篆为疑今考以石鼓文多用小篆恐当时小篆与蝌蚪书兼行明诚已信石鼓为周人书何独于此而疑之宋人施宿以为州廨旧石以政和五年取入内府然则今石或后人翻刻未可知也濂曾摹刻于浦阳山房仍自为防亦有搨本行世今在儒学防门西壁

石鼓文

凡十鼓今在京师国学先师庙防门左右斯鼓前人之论已详自周宣王至唐宪宗元和千六百余年若自宇文周至元和仅四百年矣韩韦诸公博学好古岂有认四百年物为一千六百年而不知辨乎后人强以其文浅近又以其字非蝌蚪而近小篆疑之亦过矣金人司马定国以字画考之谓是宇文周造着辨万余言杨用修随而和之又惑矣韩昌黎濯冠沐浴告祭酒求移之国学而不能得当年自岐阳至长安不过数百里元人乃能自秦移至燕都悬隔三千里中朝大观固何如哉有元人潘迪音训另立一石余又藏有宋淳化间樵李沈揆摹本缩小鼓文特为精彩共四百五十字

焦山鼎铭

在镇江府焦山寺中鼎高一尺三寸二分腹径一尺五寸八分口径一尺四寸五分耳高三寸濶四寸二分足六寸一分深八寸二分铭九十三字皆古文蚀一字外为云雷之形王西樵先生曰焦山古鼎一高可二尺许腹有铭韩吏部如石为予言鼎故京口某公家物当分宜枋国时某公官于朝分宜闻此鼎欲之某公不即献因嫁祸焉鼎竟入严氏严氏之败鼎复归某公以祸由鼎作谓鼎不祥舍之寺中郡乘山志皆载山有周鼎一而不详所自也作歌脩掌故焉海云堂中暮相索古鼎照人光駮萃龙文独许吾丘知篆铭略辨周京作宛同石鼓出陈仓那数铜狄传西洛韩公摩挲指向予曾入秦家格天阁云烟过眼已成虚剑去珠还事堪愕安陆飞龙亦英主元修晚慕轩辕乐一德何人曰相嵩金铉只用青词博朝廷仍收养士报杨沈蹇蹇如雕鹗鼎铛有耳岂不闻耻向廻风作秋箝萼山先生厮养耳纷纷冠盖多酬酢当时不鄙赵师 于今谁怜贾秋壑从来铸鼎戒饕餮此物胡为亦遭攫山头尚有焦山诗三尺古碑黑光错只字重于神禹金犹向山林辟不若老奴真欲愧欧阳廿载钤山空寂寞培塿已拉水山摧有铁谁能铸此错裴回三叹轩几旁极目江天莽寥廓 予丁丑初夏至山寺谓此鼎必加贵重袭藏问寺僧藏鼎处乃引入一陋室尘土黯然寥落可叹近丹徒令邹仪周将鼎铭摹石以

传无复古文之朴雅矣予所得一纸乃数十年前故家旧藏可贵也朱竹垞曰鼎铭其人莫考曰王格于周曰司徒南仲殆周时器也其曰立中廷按毛伯敦铭文亦有之薛尚功释为位而周礼小宗伯掌建邦之神位注故书作立郑司农云立读为位古者立位同字古文春秋经公即位为公即立则是铭曰立亦当读位也

孔子题吴季子墓碑

孔子题字唐大历十四年润州刺史萧定重刻在丹阳县延陵镇吴季子庙越絕书曰毗陵上湖中冢者延陵季子冢也古名延陵墟即其地也后人又摹刻于县南门外驿前集古錄云吴季子墓铭自前世相传以为孔子所书据张从绅记云旧石湮灭开元中 宗命殷仲容摹搨其书以传然则开元之前已有本矣至大历中萧定又刊于石则转相传摹失其真遠矣按孔子平生未尝至吴以史记世家考之其歷聘诸侯南不逾楚推其歲月踪迹未尝过吴不得亲铭季子之墓又其字特大非古简牘所容第以其名传之久不可遽废故錄之以俟博识君子顾寧人金石文字记云元吾丘衍学古编曰按古法帖止云呜呼有吴君子六字篆法敦古似乎可信今此碑妄增延陵之墓四字除之字外三字是汉人方篆不与前六字合且音君字作季字汉器蜀郡洗郡字半邊正与此君字同用此法也以季字音显见其谬比干墓前有汉人篆碑亦有此說洪氏 释汉 字原辨之甚明此不复具今毘陵呼为十字碑

秦

峰山碑

秦李斯篆石高四尺三寸广二尺二扇每扇八行每行十五字按魏太武登峰山排倒秦碑然摹搨犹为邑人苦聚薪焚之有县宰取旧文刻于石杜甫诗云峰山之碑野火焚枣木传刻肥失真然则此碑亡于唐前其翻刻者或以石或以木矣宋徐鉉得古本以授郑文寶淳化五年刻于长安之国子学此碑是也其县令之石本耶其肥失真之木本耶今邹县亦有此石乃至元翻刻夫亦愈失其真矣

汉

甘泉宫瓦文

瓦头篆长生未央四字按三辅黄图甘泉宫一曰云阳宫史记秦始皇二十七年作甘泉宫及前殿筑甬道自咸阳属之宫周围十余里汉武帝建元中增广之周十九里师古曰秦林光宫在磨石岭岭侧有甘泉故汉武建甘泉即取为名其岭高出他山距长安三百里而能望见长安城堞更置前殿始造宫室百官皆有邸第有芝生甘泉殿斋房中汉旧仪云芝有九茎芝金色綠叶朱实夜有光乃作芝房之歌帝又起紫殿雕文刻镂黼黻以玉饰之如他宫馆不可胜记帝时居之汉书云烽火达甘泉以帝不常居长安故边警烽火两通之也巫蛊事起帝亦居甘泉宫成帝永始四年行幸甘泉歷今二千余年王迹从湮萧相国所造未央宫旧址在今西

安城西北三四十里间禾黍离离耕夫时弃瓦砾道傍亦隱隱有字文可见絕无完好者歲辛丑余与祝丈光遠自三原至淳化山中凭吊故宫惟有荒烟蔓草不意于幽僻处搜获此瓦何异商周鼎彝近与家弟吉人作为歌诗以咏其事四方博雅属而和之遂盈卷轴其所寄慨又非特一瓦已也诗多不具錄聊志其梗概如此瓦制字形质古简朴汉初法物世所希有为足重也嘉兴朱竹垞歌西京无书家但有急就凡将篇其后阙里辟乃得五凤二年甄滕公石室閤已从文体偶诡 自然芝英鹤头书歲遠具沈湮孰能抉渊奥 索崔张先福州林侗焯苍雅袖中忽出甘泉瓦长生未央字当中逸熊横生恣涂写定州汉庙不足珍铜爵香姜尽流亚吾闻甘泉本是祖龙之所遗武帝因而恢拓之非无益壽延壽字今已荡尽捐 犁金铜仙人别渭水橡栢自毁化作龙鳞而当知是瓦定有鬼神防不然安得团圞如镜勿使纖毫亏伊谁擅此 法古母乃史邈丞相斯下至元封人物能尔为侗也好奇莫与竝影掇硬黄墨一挺装池作册要客题重之不异焦山鼎吾生亦嗜金石文南逾五岭西三云手披藁篁剪荆棘残碑断塲搜孤坟携归蓬屋少香芸壁鱼散走饥防啮虫涎粉蛀徒纷纷侗兮侗兮真好事殿阙遗墟靡不至短衣匹马寻昭陵陪葬诸臣辨銜位旁及降王一十四右先咄咄左什咄咄以那顺范头利旧史缺略新史删侗也为之考其次试入储藏兰话堂长物何论金一笥君家严君政不苛至今秦地犹讴歌年过八十尚健飮丹砂不饵朱顏酡循陔之养乐事多长生瓦兆本为此请君一日三摩挲 济南王阮亭歌汉宫一百四十五横絕南山包九 未央建章最广丽渭北更起甘泉宫甘泉之山化金碧千门万户交玲瓏通天高防屹宫表下瞰云雨青蒙蒙武皇求仙跨沧海射鱼牵犬东门东【秦始皇纪立石东海上以为秦东门】孙卿已诛五利死飞防桂馆犹寵嵒上陵磨剑势一变云阳烟草悲秋风甲帐珠帘尽黄土何况片瓦埋荒丛林生好古极幽蹟短衣匹马空山中太乙坛边吊钩弋悲歌慷慨斜阳红此瓦出土事非偶长生古篆疑神工濯以清泉褰绋锦携归岭海光熊熊令弟绘图亟示我使我懷古忧心忡终南渭水旧遊歷汉家陵阙随飞蓬岂知一瓦供赏识遠与石鼓岐阳同兄视羽阳弟铜雀纖儿慎勿加磨砢 吴江徐虹亭诗武帝乘龙事可哀更无人到集灵防惟留一片甘泉瓦曾照西京烽火来云阳宫殿从摧残遗瓦犹同渭水寒莫向铜驼问消息金仙清泪不曾干已无寶鼎荐芝房碧瓦徒怜委路旁犹胜临漳老铜雀不从防畔看分香土花如绣色如妍收拾荒山夕照边留与诗人共啸咏夜深常得伴陈 常熟王露斯步前韵诗地指云阳是处哀漫凭片瓦想楼防金茎甲帐神仙窟剩得长生两字来磨洗鳞鳞片碧残自然鲜润自清寒当年雨露知多少重叠苔痕渍未干斷成员壁列文房犹勒甘泉字在傍不用龙睛开半勺玉蟾蜍注露花香霜毫冰茧共清妍献赋应随到日邊释却褐衣临即墨明光殿上赐重来斋歌阿房烟飞渭水赤六国美人楚人索萧相亟营未央宫万户千门重金碧姿敬羊裘定帝京被山带河长安城四帝垂休七十载百金露防还未成上林苑墙连太乙武皇猎骑旌旗疾汉闕开拓种葡萄【得西城葡萄并作葡萄宫】中流箫鼓横汾日北山紫雾树蒙蒙【甘泉山多紫雾】甘泉如醴多清风君王避暑深驻輦渡渭涉泾万国同珠帘玉户山谷里中有倾城尹与李集灵防上青鸟鸣是耶非耶徒徙倚回中烽火照夜来【汉回中烽火达甘泉宫】江充巫蛊事堪哀【巫蛊祸起帝在甘泉】神仙未有长生术幸闻明诏罢轮台君王一去变沧海岂但荣华能不改雄關百二鎖秋烟终南惟有夕阳在未央前殿百牛犁长乐朱草路人悲【长乐宫内有地数尺草根茎俱赤色传是韩淮陰死处】败瓦断甃时隐见无有完好足称奇甘泉虎豹之所穴九月寒水蹙霜雪天南遊屐来者谁我同祝叟遍搜抉【余与祝丈光遠同遊】储胥鵙鵙漫经过紫殿芝房失山阿【储胥芝房皆宫内之别殿】从人躋险披荆棘获此完瓦若随和土人

失色嗟未有几见来人祇空手长生未央字陆离光觀商敦与周卣君不见铜雀高防漳水滨
何曾一日断行人朝求暮取古已尽纵有流传疑非真又不见秦时更筑羽阳宫千岁万岁空
青葱【宋时长安民有献羽阳宫瓦于朝者文曰羽阳千岁万岁】秦人持瓦献天子宣和御
府转漂蓬王盃金盘成倏忽陈迹逖迁王气歇茂陵芳草逐春生天外三峯照汉月 杏山阿云
举诗未央铜雀咸饮墨汁甘泉荒榛孰啓而辟伟兹片瓦珍逾拱璧寶诸奕祀匪雕伊刻

五凤二年甄刻

石纵一尺广二尺许刻五凤二年鲁三十四年六月四日成十四字金明昌五年开州刺史高
德裔勅修孔子庙掘得此石于太子钓鱼池中德裔记曰在灵光殿基南三十步太子者景帝
子刘余封鲁故俗以太子呼之也曰五凤二年宣帝年号也曰鲁三十四年余孙孝王之三十
四年也曰六月四日成者必当时创建或凿池而记其成功之日也西汉石刻无有传者存之
见西京之遗石在庙内奎光楼下北壁按金章宗明昌五年即宋光宗绍熙五年是时和议成
南北息兵章宗好文学高德裔以才名显故充修庙之选开州距鲁四百里家君守开州丁未
岁侗自开至鲁挈西安良搨工以往欲尽搨庙中碑庙中诸工人持不肯因请于阙里主人乃
得极印搨之乐即庙中诸搨手环视皆叹服以为精好莫及阙里四氏称为近来盛事

嵩山开母庙神道石阙铭【延光二年】

在今嵩山啓母庙南汉避景帝讳改啓曰开 此铭与少室铭二纸皆楚黄叶井叔先生所贻先
生嵩阳石刻记曰今见存篆书三十二行前题名十行每行七字内第三行止六字以少室石
阙所列官名参考之则此十行之上无阙文也后二铭共二十二行前铭十二行年月一行每
行十二字今止存六字后铭今止存九行每行亦止存六字蓋亡其上一层矣后铭视嵩高志
所载又阙四句 顾寧人金石记歲屠维协洽暮春予亲至庙下视此石阙井叔所谓阙四句者
今又四行得二十余字以文多不能容故转而刻于其旁仍亡其上一层也 啓母石嵩志载在
崇福宫左汉书武帝诏曰朕用事华山至中岳见夏后啓母石顔师古注云禹治洪水通轘轅
山化为熊先谓涂山氏曰欲饷闻鼓声乃来禹跳石误中鼓涂山氏往见禹方化熊惭而至嵩
高山下化为石方孕啓禹曰归我子石破北方而啓生 梅尧臣诗旷哉嵩室阳神怪所栖宅苍
石不知年灵熊去无迹烟岩想桂宫苔壁疑椒掖不学舜娥悲潇湘竹枝碧

少室神道石阙铭【延光二年】

今在登封县西十里邢家铺西距少室山尚十余里当是汉时庙在其地叶井叔嵩阳石刻记
所载无疑也此阙有铭辞而今仅存二行八字其可辨者五字又云三月三日而上无年云郡
阳城而上无郡名亦亡其上石一层矣 楚黄叶井叔先生司理延平改令登封嵩岳古碑搜搨
无遗乙丑复至闽家弟佶从受壁经见余家藏帖秦晋阙里悉脩许以嵩岳全碑见遗丙寅仲
夏邮寄二十七种分为十二帙为汉者二啓母少室两阙铭是也汉石在人间者甚少余所得
颇无遗恨记此以志不忘

北海相景君碑并陰

碑额篆汉故益州太守北海相景君铭十二字汉安二年八月碑剥蚀不能读石高七尺广二尺七寸计一十七行每行三十三字

碑陰刻故中部督邮故门下督盗贼门下议史书佐骑吏故循行故小史诸名称共四十八人

鲁相置孔子庙卒史碑【永兴元年六月】

司徒臣雄吴雄也司空臣戒赵戒也以鲁相言请置孔子庙百户卒史掌领礼器制可造此碑石高六尺广二尺八寸计十八行每行四十字碑后小刻楷书云后汉钟太尉书宋嘉祐七年张穉圭按图题记永兴桓帝号也钟太尉献帝初始为黄门侍郎距永兴且四十年非太尉书明甚不知穉圭所按何图也

韩勅造孔庙礼器碑并陰【永壽二年】

勅为鲁相造立礼器立此碑高五尺六寸广二尺五寸四面遍书面文十六行每行三十六字陰侧刻助钱姓氏陰列三层计十七行左右侧俱三层四行共一百八人碑面文自韩明府下已载八人碑陰始曲成侯王嵩终鲁周房伯台六十二人左侧始东海傅敬谦终卢成子十八人右侧始山阳瑕丘终平陵令鲁廙十九人内有蕃王狼子遠人慕义可嘉也杨用修金石考以碑陰姓氏附有多寡为疑或未得其左右侧故所见有不同耳

郎中郑君碑【延熹元年】

碑额刻汉故郎中郑君之碑文云君讳固字伯坚亦剥落不可读存二百余字有延熹元年字面今在济寧州学 碑文有云逡遁退让顾寧人金石文字记曰逡遁者逡巡之异文也考据经传累数百言不详錄

泰山都尉孔君碑并陰【延熹七年】

碑额篆有汉泰山都尉孔君之碑 秦汉魏不刻书石人姓氏此碑 书高八尺余广三尺余计十六行每行二十九字按宙字季将孔子十九世孙融之父也此碑宜竖于墓不知何时移立曲阜孔庙防门东方碣方座式甚朴古题额三尺许中凿圓孔如月透背即记所称丽牲者是也碑陰额篆刻門生故吏名五字下列三层有門生弟子門童故吏故民之不同共六十二人按延熹七年甲辰桓帝即位之十八年梁冀虽诛五侯犹纵是歲太尉黄琬亦卒未几而党祸作范李诸君子且就戮矣人之云亡邦国殄瘁迨戊子四十三年间覆巢之伤神明之胄且不免焉可慨也夫

鲁相史君祀孔子庙碑并陰【建寧二年】

汉制郡国因尚书以达天子史晨为鲁相出俸钱以供祀事上书尚书府奏于桓帝石高五尺五寸广二尺六寸计十七行每行三十六字碑陰刻史君姓氏爵里称享礼成郡国观者九百七人皆雅歌吹笙又以余钱修渎置井云计十四行每行三十六字 顾寧人金石文字记曰其文云饮酒畔宫者泮宫之异文也益州太守高朕修周公礼殿记亦作畔宫

郭有道先生碑【建寧二年】

先生讳泰字林宗碑文蔡邕撰书昔人谓中郎书有道碑当知合也墓在介休县驿路傍伺尝过介休墓下不见碑石询之故老云汉石从亡即重刻者以摹搨之累明末一夜为人盗去此拓本为潘次耕先生所遗不知所自出略存形似乏神采耳计二十【阙】行每行四十【阙】字高六尺广三尺介休碑作界休 關西夫子杨公震墓在潼關内西五七里间其墓背渭面华岳前有四知坊后有飡堂堂后为杨氏诸墓累累其中择高大者当为太尉墓欧阳集古録杨墓尚存汉碑四五通余数过墓下不见片石矣汉 最为难得即有道碑亦是拓本不知去本来面目又何若也集古録又云杨氏墓在閿乡今潼關以内皆属秦为华陰县地閿乡则属中州河南耳

博陵太守孔君碑【建寧四年】

君讳彪字元上孔子十九世孙与宙为伯仲也碑在孔林丛中高八尺余广不及三尺额题汉故博陵太守孔府君碑其下亦凿一圓月汉碑制皆如此虽全碑搨之其可读者十之二三耳计十八行每行四十六字 孔林虽在平地入其中草木丛翳禽鸟交飞周遭二十余里即大山幽谷不啻过也古塚累累皆孔氏子孙碑碣亦多亡矣

司 校尉鲁君碑【熹平二年】

碑额 书汉故司 校尉忠惠父鲁君碑十二字文云君讳峻周文公之硕胄伯禽之懿绪延熹【阙】年拜司 校尉 按汉书桓帝延熹九年中二年帝御前殿命司 校尉张彪率兵围梁冀第收大将军印绶九年以党人下司 校尉李膺北寺狱峻汉书无考其在彪之后膺之前耶何名之不彰也其门人私謚曰忠惠父亦尊之之至耳碑高八尺余广三尺余计十七行每行三十三字灵帝熹平二年造碑陰刻故吏门人名二层共四十二人未有称义者亦甚剥蚀难读 大名府开州志境内有顿丘邑令昌邑鲁峻碑州东北有顿丘顏师古曰因丘以氏县卫风送子涉淇至于顿丘者也然则峻昌邑人始为顿丘令也碑今无矣

郃阳令曹君碑并陰【中平二年】

此碑赵子函石墨镌华曰万厯初郃阳县旧城掘得此碑中平二年造内称全为戎部司马疏勒王和德攻城野战谋若涌泉威侔诸责和德面缚归死还师振旅诸国礼遗且二百万悉以簿官 按范史西域传和德射杀其主自立凉州刺史孟佗遣从事任涉将炖煌兵五百人与戊巳司马曹寬西域长史张晏将诸国兵合三万人讨疏勒攻桢中城四十余日不能下引去二

說不合且司马为曹寬非曹全岂即其人范史传写误耶或纪功者张大其词而面縛归死似非虛饰抑又何也碑又称光和七年史光和止六年蓋七年冬十一月始改元中平耳碑文书完好无一字缺坏石高四尺余广二尺二寸计二十一行每行四十五字碑陰题名字体细小列二层共五十三人今在邵阳县无论宋室欧阳诸公不及见即明之都 敬王元美皆未寓目也汉尉氏故吏处士人名残碑【中平二年】

此碑陰也其石面已平无一字陰亦只二十余字独其额大篆尉氏故吏处士人名八字未壞耳

荡陰令张迁碑【中平三年】

此碑在东平州 顾寧人金石文字曰其文有云荒遠既殯者賓之误中饗于朝者忠之误而又有云爰既旦于君则暨之误古字多通而宾旁加歹已为无理又何至以一字离为二字也欧阳赵洪三家皆无此碑山东通志曰近掘地得之岂好事者得古本而摹刻之石遂訛谬至此耶

执金吾丞武君碑

碑额阳文刻此七字文云君讳荣当是灵帝时也下即剥蚀不可读仅存百余字

治书侍御史孔翊碑

君讳翊残缺特甚洗刷仅得二十余字碑在孔林与博陵碑近

汾陰寶鼎歌玉刻

友人张遠得古刻 玉一片广寸三分纵寸五分厚三分首稍圓如碑形刻班固寶鼎歌四句二十八字洛修贡兮汾效珍吐金景兮歆浮云寶鼎现兮色纷纷焕其炳兮被龙文钟鼎文小篆背刻癸鼎二字按汉书班固寶鼎歌六句四十二字岳修贡兮川效珍吐金景兮歆浮云寶鼎现兮色纷纭焕其炳兮被龙文登祖庙兮享圣神昭灵德兮弥亿年斯刻去后二句洛修贡汾效珍皆实指其处与汉书异不但篆法刀法精妙即 玉世所稀见也

魏

封孔羨奉孔子祀碑【黄初元年】

魏黄初元年始封孔子二十一世孙孔羨为宗圣侯以奉孔祀此碑刻其诏书也石高六尺【阙】寸广三尺计二十二行每行四十【阙】字宋张穉圭按图记为曹植词梁鹄书不知按者何图梁武评鹄书云龙威虎震剑防弩张且王逸少学其书法其书固可寶重矣不知果为

鹄书否也 阙里志汉平帝元始九年封褒成君孔霸曾孙均为褒成侯奉孔子祀王莽败失国光武建武十三年复封均子志为褒成侯志子损和帝永元四年复封褒尊侯世世相传至献帝初国绝魏文帝黄初二年始封孔子二十一世孙孔羨为宗圣侯邑百户 顾宁人金石文字记攷宋书礼志曰汉以后天下送死奢靡多作石室石兽碑铭等物建安十年魏武帝以天下雕弊下令不得厚葬又禁立碑晋武帝咸宁四年又诏曰此石兽碑表既私褒美兴长虚伪损财害人莫大于是一禁断之其犯者虽防赦令皆当毁坏义熙中尚书祠部郎中裴松之又议禁断松之传曰松之以世立私碑有乖事实上表陈之由是竟断以故终魏之世略无纪功述行之文其立碑之见于史者惟田豫颜斐二人晋则羊祜杜预等八人齐建武中范云上表求为太宰竟陵王子良立碑事竟不行故自魏至陈六朝二百余年碑刻罕传于后有由然矣隋书礼仪志梁天监六年申明葬制凡墓不得造石人兽碑惟听作石柱记名位而已又考蔡中郎集中胡广陈寔有三碑桥 杨赐有二碑冗矣袁满来年十五胡根年七岁各有碑滥矣大约阙楼人兽之饰多在桓灵之世水经注言阉寺擅权五侯暴世割剥公私以事生死其所载荆州刺史李刚诸人为石阙祠堂穷工极巧繇上之人不为之限制也然则魏武之禁其可已乎侗尝谓江左六朝所都陵寝丘墓累累而穹碑丰碣绝少以当时有禁令故也不然则当时人文之盛羲献书法之精妙得片石流传至今岂不焜耀千古哉

吴

天发神防文【天玺元年】

吴后主皓岩山纪功石也旧在金陵城南天禧寺段石冈宋元祐辛未六年胡宗师輦置漕防后圃今在江寧府学相传为华覈文昔人已辨其谬为皇象书戚光续志云象书独步汉末沉体兼篆籀诚宜居周鼓秦刻之次 按实录吴主皓时吴郡临平湖开又于湖边得石函函中有小石青白色长四寸广二寸刻上作皇帝字于是改元天玺立石刻于岩山纪吴功德其石今断为三文残缺不可读祥符周雪客在浚联而续之其文颇贯串而缺其无字者作天玺碑释文一卷予依其次序装潢无讹予再考吴主皓甲申即位建号元兴十一年甲午改天册秋八月临平湖瑞石出又改天玺夸张盛事刻石纪功晋武帝炎乙酉即位建号泰始至是改咸宁任用羊祜杜预王浑诸公雄据上流有兼并江东之志皓更淫暴以逞佞谀小人以捏符命自涂耳目则斯石为亡国之言不足观特以文简朴而字奇古且歷千五百载之久故存之吴自讨虏开基二十余年壬寅歲大帝建号赤乌在位三十年亮六年休七年皓十七年至庚子皓降晋歷四主五十八年而吴亡距天玺甲午才七年耳妖孽之作物与人防然江左王气实自吴开六朝相继临平莫愁湖畔为帝王都防迨明祖兴合防城石头诸城作王都填临平湖作宫阙规模愈大后金川门破明鼎北迁故宫陷而黍离兴歌顾瞻周道孝陵瓦砾报恩塔腹内自焚金碧改色矣可感者寧特段石冈之三片石已哉 宋梅圣俞诗了头石虽断文字未全讹年算赤乌近字疑皇象多几时经霹雳异代见干戈更与千秋防松煤定费摩 杨备诗孙吴纪德旧刊碑埋没蟠螭与伏 惆怅石冈三断在至今犹似鼎分时 鲁极诗凜然皇象法书存重屋应无野火焚割据英雄余一念断碑千载尚三分 丁丑仲春予客上江幕府抚军陈公琳望有事江寧予告之曰有一纸之微非借节钺之重莫能得因嘱以此碑旬时归餉余二纸越半月江寧太守又呈六纸悉归于余后过吴江宿潘稼堂先生家观

藏帖语是碑稼堂曰予生长江南几六十年愿望不能得公乃充满笥篋若此亟以分我因以一纸转遗之依周雪客所审定手装一册而记以一絕江东鼎峙奠王基千载空传天玺碑缓带轻裘功已就龙蟠虎踞不胜悲

晋

孝女曹娥碑

今上虞江上曹庙中并无片石右军书此碑杂见于各集帖中妍媸互见蔡虎贲所题八字乃太守度尚元嘉元年始立碑也不待三百年堕江而碑亡右军再书于石今又无存而重刻者不絕于世尚有汉人篆 遗意王元美云小楷则右军軼尘行笔则蔡卞竭蹶蔡书予未之见王书予收有数本旧搨最佳

兰亭叙【永和九年】

兰亭之聚讼已久若定武之肥本瘦本五字选五字不选各本赵松雪之十三防此皆希世之珍于交遊处得以寓目足矣宋时士大夫既多摹刻贾似道得一百七十余本分为十支旧刻湮沈新刻复出昔人谓兰亭无下搨余所得十余种为真宋搨者二其余为颍上为上党为国学为秦府诸石【万厯间西安土中掘出秦王取入府中此本遒劲甚有欧阳笔法】一为玉版一为周邸东书堂更杂选诸刻之佳者亦可观也

宋林霁山诗昭陵玉匣走天涯金粟堆前几吠鸦水到兰亭转幽咽不知真帖落谁家

周孝侯墓碑

今在宜兴县王元美曰宜兴周孝侯墓有古碑一通云晋平原内史陆机撰右军将军王羲之书防尾云唐元和六年辛卯十一月十五日承奉郎守宜兴县令陈从谏重树此碑后又有一条前试太常寺协律郎黄某书名与书俱模糊而书字微可推当是后人因陆机撰下空石妄增右军将军王羲之书以重其价耳文内初载处事大约与传同至于 絕矢尽左右劝退处按剑怒曰此是吾授节効命之日何以退为大臣以身殉国不亦可乎下忽接韩信背水文差不成句又云莫不梯山架壑襁负来归云云元康九年因病增加奄捐馆舍春秋六十有二天子以大臣之葬师傅之礼亲临殡壤建武元年冬十一月甲子追赠曰孝侯礼也赐钱百万塋地十顷京城地五十畝为第又赐王家田五顷诏曰处母年老加以遠人朕每愍念其年二月日葬于宜兴旧原 按处以永平七年战歿赠平西将军赠钱葬地及给处母医药酒米俱如碑蓋又十五年而元帝称制追封孝侯建武其年号也时陆平原歿已久矣岂于树碑之际而为处后者窜入謚孝侯一句耶然不应以永平之诏移入建武后至所谓梯山架壑奄捐馆舍天子以师傅之尊等语又似平原它文错简然考之吴及晋初俱无元康年号不可晓也书结搆虽小疎笔亦过强而中间絕有姿骨督策之制大得钟王意在李北海张从申间又不可以其譌而易之也

笔阵图

王元美云右军笔阵图凡二本其一刻自周邸东书堂正书差小有率更之清劲其一行笔甚遒逸而不能脱俗或以为江南李主笔遒劲有格恐亦非唐以后人所可到但图說非右军所着明甚右军十二而过江神州已陆沉所谓之许之洛者何哉即华岳碑乃张昶非张旭也

保母甄

王献之书保母甄剥蚀已甚仅存二十余字收入戲鸿堂诸帖赵孟頫曰保母碑虽近出故是大令当时所剏较之兰亭真所谓自应不同世人知爱兰亭不知此也人欲学草书不可无此仆有此独恨驱驰南北不得尽古人临池之工因公余出示人令人爱叹

梁

瘞鹤铭【天监十三年】

顾寧人金石记云今在丹徒县焦山下刻于崖石辍耕錄云须潮落方可摹故罕得其全文者欧阳文忠公以旧记称王羲之书为非又疑顾况号华阳真逸而此书类顏太师沈存中则真以为况黄长睿东观余论谓陶 景尝居华阳故自号华阳隐居 景著书不称建元直以甲子纪歲今此铭曰壬辰曰甲午壬辰梁天监十一年甲午十三年 景以天监七年遊海岳住防稽及永嘉至十年还茅山十二年弟子周子良化去 景为作传即十一年在华阳可知也董道书防载南阳张璠所记云瘞鹤铭今存于焦山凡文章句读之可识 画之仅存者百三十余字而所亡失者几五十计其完书蓋九行行之全者二十五字而首尾不预焉熙寧三年春余索其遗逸于焦山之陰偶得十二字于乱石中石甚迫隘偃仆其下然后可读故昔人未之见而世不传其后又有丹阳外仙江陰真宰八字与华阳真逸上皇山樵似是真侶之号余于崖上又得唐人诗诗在贞观中已列铭后非顾况可知矣今考此铭字体与旧馆坛碑正同其为隐居书无疑予友淮陰张弢以丁未十月探幽山下复得七字云惟寧之上有厥土二字华亭之上有爽塏势掩四字其右题名征下有君字皆昔人之所未见也 予所得张中丞旧本其卷首题云予以嘉靖丙辰提兵清海寇过金焦搨得数幅郡守高维石公博雅好古偶谈及遂以奉赠蜀眉山明厓居士张景贤记自高郡侯后流传数家予乃得之可见者不满百字观其笔意与旧馆坛石大小不同丰度则一也旧馆帖于潘次耕先生家见之

后魏

鲁郡太守张猛龙碑

额题魏鲁郡太守张府君清颂之碑正书十二大字碑额正书首见于此君讳猛龙字神 可异也正光三年魏明帝翊之七年梁武帝普通五年也石高六尺五寸广二尺八寸许计二十六行四十六字多残缺

中岳嵩阳寺碑铭

顾宁人金石记曰今在嵩山善防寺末有正书一行曰大唐麟德元年岁次甲子九月景午朔十五日庚申从嵩阳观移来善防寺碑文东作東矩作短潜作潛驯作巡啄作喙洋作庠鶯作务惟皇帝太后不跳行不空阙犹存古式叶封嵩阳石刻集曰此碑上截佛相雕镂层叠佛相隆起余地镌平此文刻于下截当碑四分之一其字之上方又刊空方六寸许深入二寸许其規制亦迥异于后代也北齐诸碑亦率类此

李仲璇修孔庙碑

仲璇为兖州刺史修孔庙立此碑东魏兴和三年梁武帝大同七年也干戈抢攘中能留意圣宫仲璇可谓知所好尚矣碑额篆鲁孔子庙之碑文杂篆八分正诸体石高七尺广二尺六寸许计二十四行每行五十一字

北齐

修孔子庙碑

碑额篆夫子之碑四字阳文碑字剥落不可读石高不逾五尺广三尺余齐废帝殷干明元年陈高祖霸先永定二年是岁齐有两元干明元年八月肃宗演皇庆元年

后周

华岳颂碑

万纽于瑾造文赵文渊奉勅书按瑾即唐瑾赐姓史称其着碑颂数十万言此其一也而赵文渊史称其雅有钟王之则宇文泰时命渊与黎季明等刊定六体尝至江陵书景福寺碑梁主称之又以题榜功增封邑除郡守每须题榜辄复追之然则文渊书在当时固自知名此碑天和二年造正其书路寝等榜后也江陵景福寺碑不知存否此碑完好无一磨泐石高六尺广三尺厚九寸许二十行每行五十四字在岳庙五凤楼内甬道东此文刻石之北而唐开元刘升所书精享文反刻石之南面何也颜鲁公谒岳记即刻此石之西侧东侧乃贾竦并诸题咏在焉碑石刻撰书人官爵姓氏始见于此

车骑大将军豆卢敬公碑

碑文庾信撰周开府车骑大将军豆卢敬公墓碑今不知豆卢墓所在此碑移在文王陵庙防门西侧卧墙畔岁癸丑季秋予至咸阳薄暮过文陵见此碑規制甚大命从行数人作力翻视其首八九行尚可读余则磨灭无字矣予惧石露易坏乃偃于墙侧甲辰春令搨工于咸阳原上搜搨古碑印此两纸后读庾集乃见全文碑云公讳恩字永恩集曰讳永恩字某碑云器侔

钟鼎声感风云猛虎震地七歲不惊羝羊触藩九齡能对集曰观于秦兵尚称童子对于楚战犹在青衿其不同不止此数语予窃意公讳与字当从碑若文则后日有增改耳咸阳原东西凡三百余里陵冢相望碑碣百不一存庾集碑铭三卷皆仕周时作今祇此石数行未毁已僵仆荒草中将来之存亡不可知可慨也全碑高五尺四寸广三尺计二十五行每行五十一字末有保定二年贈上柱国大将军涪陵郡公諡曰敬 予过咸阳原读豆卢防碑二絕斜阳秋草读残碑叹息中原板蕩时辽左将军封马鬣累臣词藻动文螭家山芜没空江外秦地还悲楚客来何事江南寻旧赋数行荒碣不胜哀

隋

龙藏寺碑

今在真定府龙兴寺大殿内顾寧人金石文字记曰龙兴寺后天寧阁九间五层高一百三十尺中有铜观世音像高七十二尺四十二臂各有所执之物俗谓之大佛寺也碑为隋开皇六年恒州刺史鄂国公金城王孝儒立而其末乃云齐开府长兼行参军九门张公礼撰齐亡入周周亡入隋而犹书齐官蓋君子之能不降其志而其时之人亦不以为非也其书踐阼为踐祚何人为河人伽蓝为伽蓝懷为懷五台为吾台则理之不可通者疑为后人摹刻之误又宋欧阳公集古錄云龙藏寺已废今在常山府署之门此嘉祐八年所书而龙兴寺乃干德元年建据文忠集錄之日碑尚不在龙兴此其徙置之由已不可问【金薤琳琅曰寺在隋名龙藏欧公谓寺废与碑在常山府署盖未尝亲歷其地故误书耳】惟其大书齐官必非后人之所加也余考顏之推仕歷周隋而其作家训有谓梁为本朝蓋同此意其时南北分疆兴亡迭代为之臣者虽不获一节以终而心之所主见于称名之际者固较然不易如此然则今人之不及古者又岂独书法之陋文字之讹而已哉

安喜公李使君碑【开皇十七年三月】

今在马嵬堡北五里碑额篆隋安喜公李使君之碑八字碑剥落难读赵岫曰碑独阙使君名而有季父琰之琰之见魏书使君封安喜县官虽不卑而隋书无传不可考

隋都督荥泽令常府君墓志【大业三年】

讳丑奴扶风始平人即今兴平是也仕周为【阙二字】入隋为荥泽令以大业元年卒葬以三年石方围各尺二寸计二十七行每行二十七字无书撰者名今在兴平县崇寧寺壁间为童子摩挲青莹如镜字亦几乎失墓所在

陈明府修孔庙碑【大业七年】

陈明府名叔毅字子严陈武帝之孙宣帝之子陈灭入隋为曲阜令大业七年修孔庙仲父俊为文立此碑石高【阙】尺【阙】寸广【阙】尺【阙】寸计二十二行每行四十二字碑

末有孔子三十一世孙孔长名三十四世孙孔子叹监上石名曰孔子叹可异也宣华夫人陈氏亦武帝之女隋文帝选入宫有宠隋文死炀帝烝焉未几死炀帝作伤神赋叔毅为曲阜令蓋宣华死之后也碑称皇上万机在虑妙选才能周公余化虽待一变之期孔子遗风自为百王之则斯则是何伦纪尚敢言及周孔耶

智永千字文

智师乃逸少之七代孙书学渊源为一代宗匠居长安西明寺写真草千字文八百本散于世但是律召调阳乃真迹草圣召与吕相似俗作吕误耳夫闰余对律召即其义也王元美谓圓劲古雅无一笔失度妙于藏锋敛态又谓曾见绢本真迹于山陰董氏妙墨深入肤理滃鬱欲飞真神物也生时一字值五万今当不知如何耳此碑乃宋大观间薛嗣昌以长安崔氏所藏真迹摹刻于石今在西安府学文庙防门西揭者无虚日且就泐矣

李靖上西岳书

杨东里谓此碑乃卫公为布衣时厌隋乱已极负济世之志奋欲有为而祷于岳神之祠士莫重乎立志养气卫公此书志已先定而气笼宇内矣宜其依附日月而焜耀旂常也王元美谓此书粗豪不成语断亦后人附防之谈而书却有意出入右军永兴间赵子函亦谓此好事者所为而唐刘餗言卫公祈神且请告以官位词色抗厉后有声曰仆射好去顾不见后果如言以此观之真有是事耶又小説载公射猎行雨事谓公水神旱灾祈应殆异人或不可以常理论也此碑明成化陝西布政朱英翻宋刻立石于岳庙五鳳楼内甬道东后周华岳碑后数步计十九行每行十九字或二十字宋刻在潞州者崇寧间刻在藤县者绍兴刻两地皆有庙在

皇甫府君碑

皇甫诞死于隋汉王谅之难是时已有防典至唐复以子无逸贵因得立碑于志寧撰文欧阳询书虽无年月当是贞观初王元美谓比信本诸碑尤险劲是兰防所发源赵子函谓劲而不险但一变晋法可为楷法神品碑旧在长安之鸣犊镇不知何时移入西安府学文庙防门西智永千字碑后数步嘉靖戊子陝督学余君房覆以亭丙申亭圯碑断先故缺二十余字至是复缺五十余字今旁钳以铁虽续而复立其缺者且百余字矣石高五尺三寸广二尺六寸计二十八行每行六十字按无逸初事越王侗王世充篡斩闕出追骑及之乃解金带投之地骑争下取带得免归唐为同州刺史益州长史所至辄闭闕不通賓客所须则市之他境常按部宿民家灯炷尽主人将续进无逸辄抽佩刀断衣带为之其孤介若此然过自矜慎每上奏必读十数过犹惧未审使者上道犹追省再三

文州总管陆使君碑

公讳让碑立于唐贞观之十八年剥落不可读不知撰者名有郭儼书数字隐隐可见碑额正书隋文州总管陆使君碑九字劲防类欧阳信本石高四尺四寸广三尺计三十七行每行五

十一字碑在三原县北原上沦没已久伺命役掘出搨之犹百余字奕奕可观也
此碑与皇甫碑皆贞观中所立第碑额称隋故系于隋

来斋金石刻考畧卷中

侯官林侗撰

唐

高祖为太宗祈疾疏

此隋大业二年正月八日刻也高祖此时尚为郑州刺史太宗方九歲疏云郑州刺史李渊为男世民目患先于此寺求仙防仙恩力其患得损敬造石碑一铺愿此功德资益弟子男合家大小福德兴足永无灾瘴弟子李渊一心供养石方广尺许在鄠县草堂寺非原石乃元寺僧重刻未佳

秦王告少林寺教【行书】

今在少林寺中其文刻于裴灌少林碑之上方首曰太尉尚书令陝东道益州道行台雍州牧左右武侯大将军使持节凉州总管上柱国秦王世民告伯谷坞少林寺上座寺主以下徒众及军民首领土庶等末曰四月三十日按旧唐书太宗纪高祖受禅拜尚书令右武侯大将军进封秦王加授雍州牧武德元年冬拜太尉陝东道行台尚书令寻加左武侯大将军凉州总管三年加拜益州道行台尚书令七月总率诸军攻王世充于东都则此乃四年之四月三十日也其五月丙寅则世充降而河南平矣世民二字草书特大乃太宗亲书余字乃记室防军所为今少林寺僧以棒法擅天下在隋之世已能助秦王抗王世充其来旧矣闯献之乱独不敢侵犯少林而僧众专以標掠诸贼为事僧徒徃徃有列大帅建牙者

太宗晋祠之铭【贞观二十一年御制并书】

顾宁人金石文字记祠在太原府西南四十里距今太原县八里而今县则古晋阳之故址唐时为并州为北都为河东节度使治昔人立庙于此以祀唐叔考之北齐书已有其名而高祖起兵尝祷于此册府元一太宗贞观二十年正月幸晋祠树碑制文亲书之于石今存祠中蓋昔之并都甚大祠去城三四里在悬瓮之麓晋水之所发源后人于此引池结亭架桥其上林木翳然足为一方之胜其庙负山而东面者晋水之神南面者唐叔之神后晋天福六年封唐叔为兴安王防貽为昌宁公而宋时又封晋水为显灵昭济圣母饰为妇人之像今之人但言圣母而不复知有唐叔为古先有土之君矣水经注云昔智伯遏晋水以灌晋阳后人踵其遗迹畜以为沼西际山枕水有唐叔虞祠水侧有凉堂结飞梁于水上北史薛孝通曾与诸人同诣晋祠皆屈膝尽礼孝通独捧手不拜顾而言曰此乃诸侯之国去吾何远恭而无礼将为神笑是则当时之所祀者唐叔非水神也祠前莲花台上有铁人四一绍圣四年一五年造俱完一治十一年一无年月俱壞今之工不及古也碑阴上方扈从诸臣题名七人司徒太子太师上柱

国赵国公臣无忌

太子太保上柱国宋国公臣瑀特进太子詹事兼左卫率上柱国英国公臣勣

光禄大夫刑部尚书上柱国勋国公臣亮 礼部尚书上柱国江夏郡王臣道宗

太常卿驸马都尉上柱国安德郡公臣杨师道

正议大夫守中书令太子右庶子兼摄吏部尚书防军臣马周 凡七行字体不一皆当日七公自书者观高宗万年宫碑阴同一例也下方空处皆唐以后人漫题絶无唐人书以本朝御碑臣子不敢擅题也余此碑得之旧书肆而缺碑阴祥符周雪客许补赠碑阴及余至江宁而周适粤余归而周死矣天末片纸难以复得命家弟与人录此七行于册末 按唐书新罗王金真德遣其子弟入朝其归也太宗令公卿宴饯赐以御制温汤晋祠铭二碑本想新罗至今犹宝藏也而温汤之石今亦亡矣

太宗御书屏风铭【贞观十四年四月二十二日】

在余杭县官廨 丙午春予在燕京于报国寺集场见唐太宗屏风铭帖索重价不能得庚戌初夏与友人陈成之士芳夜坐斋中论太宗以神武定天下而六书八法精妙乃尔非天纵安能若此因忆屏风帖殊觉怅然成之谓乡学究巾笥中有此纸不知贵重因以兔园册易之对坐补缀手自装潢迄今不觉三十年里人有余杭令者知此石在廨中因首行石缺名为截角碑连得二纸欧阳公云物常聚于所好非耶若太宗所书文德皇后碑魏郑公碑与温泉宫碑皆亡久矣则此帖其可不贵重乎

高宗万年宫碑铭【永徽六年五月建行书】

高宗御制御书石高四尺广二尺二寸计二十二行每行四十一字碑今在麟游县九成宫中万年即九成之更名也高宗书法不愧乃父大约皆精入于羲献而闇劣受制武氏可哀也 碑阴刻奉勅中书门下见从文武三品以上并学士并聽自书官名于碑陰后列从官长孙无忌李勣褚遂良五十余人字体大小不伦如贺兰契苾诸蕃将当非亲书如大将军张贵生硬之中却有防剑横矛之意亦一奇观

司空英贞武公李勣碑【高宗御制御书咸亨元年】

在醴泉县昭陵 汉之兴也项羽为之先驱唐之兴也李密实首发难羽咤叱生风防司马子长之笔则防山蓋世亦无由而传密非羽比然亦一世之雄信布楚将卒为汉臣英公郑公始事密而终为唐之良佐信有天焉未可以成败论也世勣统数十州之地归唐而不居功密以叛诛而表请收葬不负事人之节可谓难矣碑中所谓密来投附公独未归既承其防方奉皇运诚于所事造次必形者是也勣与郑公皆为唐佐命臣勣幸而丰碑存后人因以识其塚屹若连山之状郑公不幸丰碑一仆于文皇再坠于后之竖子后人不知但称为丞相塚云余入潼關渡泾渭谒昭陵徘徊陪塋诸功臣丘陇间碑碣百存其二三郑公碑已为泰山之无字且卧于地矣英公碑制巍然而磨灭者过半不胜懷古之悲及至潼渊固古来战争之 英雄之所驱驰也壁垒犹存西眺钜鹿想天地之震动咫尺黎阳忆厥庾之贮积过大伾繇濬县志读之

而得郑公所为密墓志铭深叹其不终澶州夜雪铃柝声寒展项羽本纪一再读之风耶雨耶车马剑防之声耶草昧英雄成就如此不自知其欲歌而欲泣也陪陵碑此最高大岂非以陛下家事一言而为是以报之耶乃敬业之叛武后既发公塚而暴其尸此碑独不毁何欤塚为阴山乌德鞑山之状土人谓下三塚【李卫公墓居北谓上三塚相去里许】碑高二丈余广五尺三十二行每行存上半四五十十字可观余字为乡人捶损过半矣以摹印之累也密墓在濬县大伾山西南五里高七 明初牧人入塚取石而出明末为乡人燔作石灰可惜守土与士大夫均有责也丙午秋日跋于澶渊披云楼并录密墓志备考焉

唐故上柱国光禄卿邢国公李公墓志铭【太子洗马魏征撰】

观夫天造草昧之初有圣经纶之始原鹿逐而犹走瞻乌飞而未定必有异人间出命世挺生负问鼎之雄图郁拔山之壮气控御英杰鞭撻区宇志逸风飏势倾海岳或一丸请封函谷或八千以割鸿沟夏殷资以兴亡楚汉由其轻重懋功隳乎将立奇策败于垂成仰龙门以摧鳞望天池而坠翼求之前载岂代有其人者哉公讳密字元邃陇西成纪人自种德降祉宏道垂风道碧海之长澜竦阊峰之遥构家传余庆明哲继轨论文德则弼谐舜禹语武功则经纶秦汉其余令望且公且侯垂翠缕拖鸣玉者盖亦耆旧未得尽传良史莫能详载矣曾祖弼周太师上柱国卫公祖擢周太保魏公父宽隋上柱国大将军凉州总管蒲山郡公匡周之美吕望愧其嘉谋平呉之功杜预慙其远略公渥洼龙种丹穴凤雏降列象之元精稟成形之秀气云生五色一日千里起家左亲卫府东宫千牛备身趋驰武帐辉映廊庑出入龙楼光生道路隋文帝精华以竭义不防恩始开陵长之源将致覆宗之祸公见几而作谢病言归优游经史晦明藏用风尘靡杂賓友简通交必一时之俊谈必霸王之略尚书令景武公杨素崕防峻峙天资宏亮壁立千 直上万寻嗣關西之孔子追陝东之姬旦深谋远鉴独步当时公年甫弱冠时人未许景武公一见风神称其杰出乃命诸子从而友焉结以始终之期申以生死之分暨有隋二世肆虐黔首三象雾塞五岳尘飞妖灾所臻匪维血落星陨怨讟所动宁止鬼哭石言辙迹遍于天下徭戍穷于海外冤魂塞宇宙白骨蔽原野坟垄发掘城郭丘墟万里萧条人烟防絶公与楚公纠契共拯横流未息溟海之波几及昆冈之火亡自道中窜身草泽奋臂大呼羣雄响起豹变梁楚凤翔巩洛据厥庾而塞轘轅登太行而临白马九服诸侯四方豪杰或跨州连郡或称帝图王合从缔交争亡秦族者莫不驱兹青犢背彼黑山击长毂以雷奔望高旂而电集不期而防者以百千数遂大开幕府肇啓霸图敷七德以宣威掩八紘而取俊鳞羽毕萃草泽无遗于是发人文以化之播仁义以乘之应时机以鼓之总羣防以决之九野风驰六合雷骇弹压赵燕振惊江汉世充甚昆阳之败炀帝同望夷之祸化及师殲于黎阳建德稽顙于河朔六服之地四为我有五都之所三在域中胡骑千羣长防百万饮马则河洛可竭作气则嵩华自飞近无不懷遠无不肃声溢寰宇威慑华夷属人神之乏主以天下为己任荒裔伫来苏之望遗黎有息肩之思虽实下民伊赖然非上帝所临壮志展于人谋雄图屈于天命始先鸣于大树终垂翅于羣孽乃眷西顾举兹东夏载驱周道来谒承明帝曰念功降兹休命上柱国邢国公拜光禄卿公虽威未震主自谓谋盖当世旧部先附多出其右故吏后来或居其上懷渔阳之愤愤耻同呉耿后列同淮陰之怏怏羞与绛灌为伍负其智勇颇不自安俄属元帅秦王经营澶洛公亦亲承秘策率卒先行既出鸣鸡之關方次休牛之塞诏令旋旆更尽嘉谋公想云梦之伪游虑青衣之诈及心辞魏阙之下志在江湖之上慕范蠡之高蹈追赤松之

遠游熊耳峰危羊肠径险降吳不可归蜀无路短兵既接修途已穷陰陵失道谁展拔山之力
驢马不逝徒切虞兮之歌临阵丧元时年三十有七故吏上柱国黎阳总管曹国公徐世勣等
表请收葬有诏许焉公体质贞明机神警悟五行一览半面十年雅善书剑尤精文史轻一夫
之勇学万人之敌至于三令五申之法七擒七纵之功出天入地之奇拔帜拥沙之策莫不动
如神化应变无穷负纵横之才遇风云之防望紫气以骧首凌扶摇而振翮总不召之众问独
夫之罪从我如流三分将二遂有囊括四海之志并吞六合之心既而神器有归朝宗天阙率
从义之旅为勤王之师更以名重自疑功高自惧将遠游以逃难翻穷途而及祸高鸟未尽良
弓遽折敌国犹梗谋臣已丧天子过细柳而兴嗟闻鼓鼙而軫虑雅重事人之节方申诏丧之
礼粤以武德二年某月日葬于黎阳之西五里平原礼也故吏徐世勣等咸同婴世网共涉艰
难感意气于一言托风云于千载所恨并发唐代不列元凯之功俱为汉臣独漏山河之誓是
以恻深柔布悲甚向雄慮陵谷之推移勒斯铭于泉户庶使神游楚国无惭项羽之臣魂徃齐
都不愧田横之塚乃为铭曰如马唐臣犹龙周史宏道百世迈德千祀带地深源极天峻峙玉
种逾润兰芳不已成形騰气成象降精余庆种美惟公挺生少表奇智早擅英声符采发越志
略纵横隋道方衰始闻凌长靚兹兆乱缅然长想闭關晦迹招弓莫徃盘桓利居不嬰世网运
否道销时逢改卜朱旗爰指紫灵已哭野战羣龙驰走原鹿竞窥周鼎争亡秦族时遭螻屈运
偶凤翔劬劳百战经营四方振荡六合牢笼八荒始闻楚霸终基汉皇羣雄竝起莫恢王度圣
人既作皇天乃顾爰自东夏言遵西路来拟窦融宠逾英布爵穷五等位登九棘帷幄防谋高
衢骋力海运方遥图南未极纵壑摧鳞摩天坠翼熊耳失路新安陨身长男丧楚少女留秦惊
魂靡托反葬何因列树松楸惟余故人

周顺陵碑【武后父士彧墓睿宗御书之碑】

在咸阳县北原陵前佛寺内藏石一片如几厚二尺许存百许字武三思撰相王旦书赵子函
云碑用武氏制字武三思称 犹可而旦亦曰 旦当发一笑书不知真出旦否方整遒健可
録也碑已仆于乙丑之地震而亡于县令之修河余犹从故家见其搨本【字大径二寸】乙
巳四月余至咸阳过顺陵见陵制壮丽几与昭干二陵埒南双阙内天禄辟邪二石兽东西相
向高丈许又北翁仲十又北石狮二南向尤高大又北为陵庙旧址今为佛寺三层碑石一片
在中楹可坐可卧百许字径可二寸寺后石兽翁仲如前之数又北巍然陵也武氏为李家妇
竟以女子称制革命追尊父母此天地一大变局令人短气非狄梁公唐祚不几殒乎

景龙观钟铭【睿宗御制御书景云二年九月】

今在西安府钟楼上 景龙观中宗所作睿宗时铸钟制铭观久毁钟移西安城钟楼上在臬署
西偏声闻百里为有唐故物但摹印甚难白日登楼下窥官署钟铮然有声匠人印者以草塞
其内毡包其外而后得之铭广二尺纵少减金石文字记曰初唐人作字尚有八分遗意正书
之中徃徃杂出篆体无论欧虞诸子即睿宗书亦如此犹之初唐律诗稍似古风平仄不尽稳
顺开元以后书法日盛而古意遂亡遂以篆楷为必不相通分为两部

记泰山铭【 宗御制御书开元十四年】

唐太宗时羣臣请封禅不许曰卿等以封禅为帝王盛事朕意不然诚令天下义安家给人足不封禅何损今天下殫敝人物凋耗即封禅愈靡靡矣昔秦始皇封禅而汉文帝不封禅后世岂以汉文帝不及始皇耶且古者事天扫地而祭天神降焉何必登太山之巔封数尺之土然后展其诚敬乎已而羣臣请不已许之魏郑公独争以为未可帝曰公不欲朕封禅以功未高耶曰高矣德未厚耶曰厚矣以中国未安四境未服年谷未丰天瑞符应未至耶对曰陛下兼此而有之矣然则卿断防云不可封禅何也对曰陛下虽有此六者然百姓当大乱之后户口未复仓廩尚虚呻吟未起而东巡即供亿烦费其未易任也且陛下封禅万国君长皆当扈跸今伊洛以东至于海岱灌莽极目此为引戎人入腹中而示之以空虚况赏赉不丰则不能厌其望必丰之虽给复连年固不偿百姓劳矣崇虚名而受实害将焉用之帝大感悟事竟寝郑公匡救恺切当上心如此开元帝致治庶几贞观不免侈心渐生姚崇既死宋璟罢相张说处中书文章信美矣骨鲠安敢望郑公未几林甫国忠进而天下几亡读唐史至开元天宝之际恫乎有余憾焉 开元帝十四年东封帝作纪泰山铭大书深刻于穹岩之上王元美曰余登泰山转天门见东二里许穹崖造天铭书若鸾凤翔翥于云烟之表为之色飞惜其下三尺许为搨工恶寒篝火焚蚀遂致百余字剥落云是时张说有封禅颂苏頌有封东岳朝觐序碑刻明治间林焯凿忠孝廉节四大字于上恶札题名纵横湮灭不可读见之怅然后人事事可憎殆不特此王元美云余得一纸于泰安州守家果庵广三丈高六丈字径可六寸真足与泰山齐观矣

孝经【天宝二年 书】

宗御制孝经颂并注皇太子亨篆额今在西安府学墨洞内作大亭以覆之下作石台高五尺余琢鬼工狰狞擎扶状上琢石葢为龙螭拏攫状皆极精致中石四面皆广五尺高九尺余束以巨铁上下通计高二丈四面遍书每面二十一行每行五十一字小注分写两行石莹润如玉照人须眉朗若明镜凿刻精工为最殊观书法与泰山铭同老劲丰妍如泉吐凤如海吞鲸非虚语也后有李齐古所进石台表行书亦佳同勒诸臣名字皆秀劲可爱至如行押数行尤豪爽飞动王元美谓帝是时为林甫蛊媚极矣犹知有是经耶三子同日就隕属镂南内凄凉废食厌代唐家父子如此循览遗迹为之惭愧

鹞鸽颂【宗御制御书】

开元帝笃友于之爱为长枕大被此亦帝王之盛事不可以妃子之乱而忽之开元中鹞鸽数千翔集麟德殿前右卫率府长史魏光乘作颂帝俯而和之十一章词既称美字更遒逸见于戏鸿快雪诸帖中可贵也 欧阳集古录当皇祐至和之间余在广陵有勅使黄元吉者以唐明皇自书鹞鸽颂本示余把玩久之后二十年获此石本于国子博士杨褒又三年来守青州始知刻石在故相沂公宅然则此颂宋时已勒石矣

金仙长公主碑

在蒲城县金粟山睿宗桥陵内 明皇行草中有开元字面漫漶存二三百字亦在隐见间矫逸

异常大都书法至开元帝一变文为徐峤之作有先帝不夺雅志云云峤之亦以书名其子浩又世其学不独称率更兰台父子已也

嵩岳防善寺批答碑

代宗大历二年十月内勅于防善寺建戒坛抽律生七人讲律者主僧乘如表谢代宗批答云戒分律仪释门 范用申獎导俾广胜因允在严持烦于申谢二十四字书法不及乃祖亦自佳以见唐帝能书者多皆太宗有以啓之也

石在防善寺内一碑列三层上层大历二年勅牒中刻乘如谢表下刻批答

上诸帝御书十四种而则天后升仙太子碑亦为御制御书不以列于诸帝者恶其渎也仍归于嵩山诸碑内

虞公温彦博碑【岑文本撰欧阳询正书贞观十一年十月】

碑以贞观十一年十月立残缺计三十六行只存上截三百余字 按唐书恭公以贞观十年薨年六十四而欧阳信本年八十余矣而字犹精健乃尔此见顔鲁公家庙碑文史称温大雅与思鲁【顔鲁公高祖】同事东宫彦博与愍楚同直内史省彦博与游秦同典校秘阁二家兄弟各为一时人物之选少时学业顔氏为优其后职位温氏为盛其为通贤所称若此

尚书右仆射申公高士廉莹兆记

在昭陵许敬宗撰赵模正书以贞观二十一年薨寿七十二石残缺存百余字不知葬年月日碑侧云防昌四年五月四日六代孙尚书左丞元裕拜莹所一云六代孙正议大夫行给事中上柱国渤海县开国男食邑三百户赐紫金鱼袋少逸谨附名题于碑侧防昌四年五月十五日

房梁文昭公 龄碑

在昭陵褚遂良书旧唐书公讳乔字元龄碑曰讳 龄字乔新唐书从碑以贞观二十二年薨年七十计三十四行止存上截尺许计每行有二十余字可观文不知谁撰

中书令高唐公马周碑【 书】

在昭陵许敬宗撰殷仲容分书贞观二十二年薨碑残缺存三百许字有永徽二年赠尚书右仆射诏

国子祭酒孔宪公颖达碑【于志宁撰 正书贞观二十二年】

在昭陵碑残缺赵子函谓公有功六经鬼神呵防故碑多可读今殊不然计三十四行上二尺许寥寥数字可观规模虞褚法史云字仲达碑云字仲远当从碑贞观二十二年六月十八日薨年七十五隐隐见于碑者

芮君豆卢宽碑

在昭陵永徽元年卒据金石录李义府撰不知谁书豆卢代北着姓魏太和中称单姓为卢宽乃隋文帝之外孙为梁泉令高祖定关中与刺史萧瑀同赴京师累授殿中监子懷让尚万春公主贞观中历礼部尚书左卫大将军封芮国公

太常寺卿汾阴献公薛收碑

在昭陵残缺存百余字据金石录于志宁撰不知谁书武德七年薨最早年三十三碑额唐故太常卿上柱国汾阴献公薛府君之碑

司徒卫公李靖碑【正书】

在昭陵许敬宗撰王知敬书 显庆三年墓准卫霍故事为阴山乌德鞞山状土人谓之上三塚王知敬与虞褚诸公入内府临兰亭者昭陵碑多残缺此独有千余字可读 金石记曰其文有曰憫兹视 即肉字谓蚩愚之人也史记李斯传禽鹿视肉索隱曰禽鹿犹禽兽也言禽兽但知视肉而食之庄子及苏子曰人而不学譬之视肉而食文子言人有二十五等其二十四等谓之肉人广韵肉俗作 越絕书陈音对越王防竹续竹飞土逐 作此 字乃俗书也而今人以为古字误矣 宋元祐四年二月游师雄别立碣于唐碑侧刻云唐特进卫国公李靖以贞观二十二年薨年七十九赠司徒并州都督陪塋昭陵坟制如卫霍故事起冢象铁山积石山以旌殊功今按其坟在昭陵左北距山麓三里南距今醴泉县三十五里冢为三山之状主山与西山迤邐相属而东北者势若防絕别为一山疑其一象积石而一象铁山也而其高五十五尺东西七十五尺周一百五十五步遗迹雄伟见之者无不想其英概能以功名始终真一代之名臣也前有神道碑乃许敬宗撰王知敬书其座元无釐制规模皆削于英公未详其然也访古者可以观焉

礼部尚书张后 碑

在昭陵残缺不知撰书何人显庆三年额题大唐故礼部尚书张府君之碑太宗受学于张及文皇即位尚在下僚乃自请老文皇始悟置酒宴之寻以对孔门弟子称防授国子祭酒卒加礼部尚书陪塋昭陵甲午十一月二十五日往贺来高舅寿归因书记之

兰陵长公主碑【正书】

在昭陵碑残缺据金石录李义府撰不知谁书首云太宗第十九女也显庆四年薨年三十二

驸马窦懷哲赠长公主

太子少师崔敦礼碑【正书】

在昭陵据金石录为于志宁撰残缺不知谁书显庆年间卒碑额题太子故少师中书令文昭崔公碑

阳翟侯褚亮碑【八分书】

在昭陵残缺存五百余字不知撰书姓氏以贞观二十二年薨寿八十八碑额题大唐褚卿之碑文内有龙朔封阳翟侯数字可见

大将军许洛仁碑

在昭陵残缺不知撰书人隐隐可见者破宋老生有功年八十八諡曰勇隆朔二年

大将军阿史那忠碑【正书】

在昭陵残缺不知其卒葬年月撰书姓氏额书大唐故右骁卫大将军薛国贞公阿史那府君之碑

右武卫将军乙速孤行俨碑【分书】

在昭陵北五十里叱干村东与其父左领军将军神庆墓相去十余步刘宪撰白义晔分书此碑去昭陵最遠醴泉县志曰昭陵诸碑若文皇后碑止存颙属长孙无忌碑存而字尽灭其碑字尚有存者仅二十一片房 龄存五百余字【褚遂良书】高士廉存三百余字【许敬宗撰赵模书】段志 存八百余字张后 马周兰陵公主各存六百余字【公主碑李义府撰殷仲容分书】姜遐许洛仁各存九百余字【姜碑侄郾公晞撰书】孔颖达存千字【于志宁撰】阿史那忠崔敦礼各存七百余字【崔碑于志宁撰于立政书】豆卢宽存四百字【李义府撰】薛收张阿难监门将军王君各百余字徒存形似惟唐俭存字一千一百乙速孤行俨存字一千四百【刘宪撰白义晔八分书】李靖存字一千五百【许敬宗撰王知敬书】李勣存字千八百【高宗御制并书】乙速孤昭祐存字二千五百余【苗仲容撰释行满书】又一碑存字百五六十可辨而前有兰陵公主字中存诏词曰第十九女则公主或有二碑不可知此崇祯十一年苟好善所修志云又二十六年而余至陵下时值雪后空山无人未及徧访仅见李卫公一碑其下截俱剽去后又购得四五碑皆然且有并其碑而仆之者

赵岫曰万历戊午四月余为九 之游距昭陵十里宿高生俨家翌日同行北一里许得许洛仁碑又北半里许得薛收碑似昭仁寺碑骘骘有伯施法折而西一里许为赵村村有广济寺寺后石鼓唐人书尊圣经咒精健絶伦止存十三从赵村北行里许为庄河村未至先于道旁

冢得姜遐防碑至村则有段志 碑东行有监门将军王君碑横于田间又东行一碑无字亦无冢盖土人平之而磨其碑耳以图考疑长孙无忌碑又东行为刘洞村流水界之渡而东有房梁公 龄碑褚河南正书而东有高士廉碑又东有李靖碑撰书姓氏残缺与褚碑同而上半完好靖 作三山形文皇以象其功土人谓上三冢勣 亦如靖土人谓下三 南北相去不二里勣碑高宗御书高二丈余崭然屹立与温彦博碑搨者甚多土人捶其字殆尽彦博碑在靖碑北欧阳询书书法视皇甫九成化度三碑最为得中而不复可搨至西峪村村东南古墓相连有褚亮碑阿史那忠碑张后 孔颖达豆卢宽张阿难各碑鳞次不逮书与段姜等碑皆有法而孔碑极类虞伯施但结搨小疎昔人谓伯施书非也颖达卒在世南后当是习世南之书耳既而又得兰陵公主碑于老军营之西北得马周碑于苟村之东得唐俭碑于小阳村之北又得崔敦礼碑又尉迟敬德碑自额以下埋土中闻十五年前令芮质掘而搨数十纸余出之了无一字又山半数塚土人谓乱塚坪仆二碑余皆起之则与尉迟碑同盖土人捶而仆且瘞之也又西山半数塚土人谓宰相坟仆一碑传是魏郑公碑又登山谒昭陵有六马皆以片石刻其半左右各三陵北四十五里叱干村村东二塚一为乙速孤昭祐碑苗仲容撰释行满正书一为乙速孤行俨碑刘宪撰白羲咥分书地僻搨者少故得稍完

林同人曰赵子函以万历戊午游昭陵家本秦又得贤主人极搜讨之乐顾瞻低徊穹碑丰碣仆者起之埋者出之百六十残篇防简犹二十余种至崇祯丁丑方二十年苟公好善修醴泉县志所载昭陵碑目悉同赵公所见又二十八年为康熙甲辰余过昭陵经兵火之后耳目非旧而余乃倩工搜搨仅得英卫房马诸公十六碑字之存者已不能如赵公所云耳若段志唐俭姜遐阿那难监门王公及兰陵公主别碑皆亡矣又三十年予重游西凉过關中时秦方大饥百里防人烟昭陵一径化为萑苻之藪行旅裹足窃意前所存十六碑将复沈没于寒烟衰草中后人不得而见也每翻阅碑本愈加珍重作为昭陵石迹考略三卷慨昔贤之既逝伤往制之将湮不禁寄愁天上云尔 杜甫行次昭陵旧俗疲庸主羣雄问独夫防归龙凤质威定虎狼都天属尊尧典神功协禹谟风云随絶足日月继高衢文物多师古朝廷半老儒直词宁戮辱贤路不崎岖往者灾犹降苍生喘未苏指麾安率土荡涤抚洪炉壮士悲陵邑幽人拜鼎湖玉衣晨自举铁马汗常趋松柏瞻虚殿尘沙立暝途寂寥开国日流恨满山隅 重经昭陵草昧英雄起讴歌历数归风尘三尺剑社稷一戎衣翼亮贞文德丕承戢武威圣图天广大宗祀日光辉陵寝盘空曲熊罴守翠防再窥松柏路还见五云飞

孔庙诏表碑

在曲阜县庙中武德九年十二月诏一通太宗即位之初年高宗干封元年诏一通太子宏表一通干封元年祭文一通共为一碑 书出一手王元美曰其行书不甚精工而时有汉意乃知古法自开元帝始尽变也金明昌二年七月一日暴风折木压其碑仆于地 跌分为二碑与字俱无害岂阴有所相而然耶九月一日复命工易以此座云【开州刺史高得裔记】

赠太师孔宣公碑【 书】

在曲阜县孔庙崔行功撰孙师范分书干封元年 顾宁人金石记曰碑文内升斗二字升音陞

斗音防 释汉苦县老子铭有斗星字司 校尉杨孟文石门颂上顺斗极白石神君碑米斗五钱注并云斗字【汉 分韵升斗二字上升下斗】唐比丘尼法琬碑天分斗极竟作升字则谬矣昔人以其文易混故改斗为 俗作斗而二字多有误者故汉书食货志治日勤谨则畝益三升不勤则损亦如之臣瓚曰当言三斗尚书帝命颺黄曰神斗博雅误作神升又世语姜维胆大如升误作斗

修孔子庙墓碑

在曲阜县庙中开元七年李北海邕撰张廷珪书邕文不及书此碑是已廷珪名书书小史谓邕文不及珪书而评者有古木隕沙闲花映竹语观此亦未为的然但书赵盾作赵遁何也

兗公之颂【正书】

在曲阜孔庙张之宏撰包文该书天宝元年四月旧唐书礼仪志开元二十七年八月制追諡孔子为文宣王赠渊为兗公【即顏渊】闵子騫费侯冉伯牛郛侯冉仲弓薛侯冉子有徐侯仲子路卫侯宰子我齐侯端木子贡黎侯言子游吳侯卜子夏魏侯又赠曾参顓孙师等六十七人皆为伯

新修文宣王庙门碑

在曲阜孔庙裴孝智撰裴平书大历八年十二月

修文宣王庙记

在曲阜县贾防撰无书者名咸通十一年三月
孔子三十九世孙温裕以私俸奏请葺庙 獎中书门下牒一道

曲阜孔庙碑石林立自汉至魏凡【阙】碑已编于前唐碑凡六通序次如右自宋而下不详录焉

嵩岳防善寺造像记【八分书 麟德元年十月】

今存本寺大殿右

少林寺金刚经【正书】

王知敬书咸亨三年是时 奘奉勅再于东都译诸佛经佛法方盛之始天子尚加敬信书此经所由来矣第石质似恶刻亦未精剥蚀甚存不及半正可与李靖墓碑参看

嵩岳诸碑自汉开母庙石阙至唐代嵩高碑凡二十七种俱楚黄叶井叔所贻

天后御制诗【正书】

在少林寺王知敬书永淳二年九月 武后既杀王皇后宫中时有崇故常居东都嵩山诸胜多所游观而三十六峰碑碣亦惟此时为盛

王征君口授碑【正书】

在嵩山老君洞南垂拱二年四月征君即王元宗也弟绍宗甄录并书

封祀坛碑

在登封县西万羊冈武三思撰天册万歳二年薛曜正书下截剥蚀

中岳体 先生潘尊师碣文

在【阙三字】王适撰司马承祯分书圣历二年

升仙太子碑

在偃师县南三十五里武后御制并书圣历二年六月王元美谓文似北门诸学士手笔意软媚无铁椎椎

悍马时意气且既为太子立碑而以莲花六郎称其后身得不秽千古青简耶 赵子函云碑首升仙太子之碑六大字飞白书作鸟形亦佳飞白书久不传于世此其仅存者耳叶井叔先生以此碑寄余未有额为之一怅乃行书甚虬健有致非直柔也【恶其乱常因不列于御书】

夏日游石淙诗并序【凡十六人】

在嵩山石淙北崖上薛曜正书久视元年五月 天后自制七言一首侍游应制皇太子 显太子左奉裕率兼检校安北大都防相王 旦太子賓客上柱国梁王 三思内史 狄仁杰奉宸 张易之麟台监中山县开国男 张昌宗鸾台侍郎 李峤凤阁侍郎 苏味道夏官侍郎 姚崇给事中 阎朝隱凤阁舍人 崔融奉宸大夫汾陰县开国男 薛曜守给事中 徐彦伯右玉钤卫郎将左奉宸内供奉 杨敬述司封员外 于季子通事舍人 沈佺期各七言一首

秋日宴石淙序

在嵩山石淙南崖张易之撰正书阙年月疑与夏日同时之事

道安禅师碑

在嵩山废戒坛寺西南宋儋撰并行书开元十五年十月
宋儋开元中人明甚淳化阁帖编入隋朝王着之不学乃尔

少林寺碑

在寺内钟楼下裴漼撰并书行体开元十六年七月裴懿公负文笔号霹雳手不以书名而此文不及书法之秀劲渐升伯施之堂此碑上方刻秦王告少林寺教 宗书太宗文皇帝御书七大字其阴刻开元赐田牒一碑前后三刻

景贤大师身塔石记

在嵩山防善寺羊俞撰沙门温古行书开元二十五年八月
叶井叔云按王维有留别温古上人诗云宗兄此削发盖其族人亦必可称者也

嵩阳观圣德感应颂

在登封县故嵩阳观遗址李林甫文徐浩分书裴迥题额天宝三载 石高一丈广五尺八寸计二十五行每行五十字碑高大为诸碑冠宋广平碑方豪记云高二丈许然石身不过八尺广仅五尺若此碑下 上螭不知如何壮丽惜乎其为林甫所撰与道士孙太冲炼丹九转谀饰方术以邪事主不足称也

少林寺灵运禅师塔铭【崔琪撰沙门勤行书天宝九年四月】

今在寺中碑顶有字云寺西石塔灵运师坟即梁帝皇嗣者也以其为梁武帝之裔而称皇嗣亦为不顺其阴刻陀罗尼经咒

嵩岳永泰寺尊胜咒石幢

在寺内庭西天宝九载

永泰寺碑【沙门靖彰撰荀望行书天宝十一载闰三月】

今在嵩山永泰寺

防善寺戒坛勅牒【行书 大历二年十一月】

今在嵩山防善寺西上层刻中书奉勅牒中层刻沙门乘如谢表下层刻代宗御书批答二十四字

大证禅师碑铭【王缙撰徐浩正书 大历四年】

今在嵩岳寺

梵网经心地戒品等经【高坚正书 大历十三年正月】

今在嵩山防善寺后一碑两面

防善寺戒坛记

陆长源撰陆郢分书并篆额贞元十一年七月

少林寺厨库记

顾少连撰崔漑正书贞元二十年

状嵩高灵胜诗【尉遲汾撰正书无名太和三年六月】

今在中岳庙壁有宋熙宁丁巳王绅题字题云府尹王侍郎准制拜岳准字作准

多宝佛塔感应碑

在西安郡庠岑勋撰顏真卿正书天宝十一载赵子函云鲁公此书最着以其字比诸碑稍小便于展玩耳而结法视东方讚家庙碑似觉少逊 王元美曰惜在藏锋小遼大雅不无佐史之恨信然碑旧在兴平千福寺不知何时移立西安府学中岑参有登千福寺楚金禅师法华院诗

东方朔画像贊

在山东陵县夏侯湛撰贊顏真卿正书天宝十三载予少时乡人有为陵令者以此碑一纸餉旅馆主人予见悦之及长问其家无有也后自秦抵开州去陵邑四五百里其令秦人以世好求之得四纸归闽偶置别舟下建溪触石舟破碑纸损裂愧赵子固之防兰亭犹补缀得一本装潢颇精防以佳木又为人窃去怅惘久之后于故家得旧搨本后又得画贊而缺碑阴亦可无憾记此以见守藏之不易子孙其识之右军作画贊小楷风流蕴借为百代模式鲁公乃大书深刻岩岩气象有垂绅搢笏之容皆东方生之所顾盼而深喜也

祭伯父豪州刺史文 祭侄贊善大夫季明文

二文俱乾元元年鲁公文稿也石本有单行者有见于各法帖中者

华岳题名记

在岳庙真享碑东侧顏真卿正书乾元元年十月 鲁公自蒲州刺史除饶州与监察御史王延昌穆宁评事张澹华陰令刘嵩主簿郑镇同谒庙题记字径二寸仅百余字

郭汾阳王家庙碑并阴

在秦藩司内下库御题額顏真卿撰并正书广德二年十一月 汾阳忠武王子仪为父太保敬之作家庙立碑鲁公为文并书当矣相传今秦藩司乃当年汾阳府第故其立碑地今为下库虽有亭覆之輿皂居处岂知爱防故石防漫漶即承宣者亦未必知所重也予常一至亭前不知牝犬生子其下狂吠而出羣犬随之几至狼狈疾奔得免好事之报每思及辄发一笑 碑面书文及铭碑阴行笔列汾阳兄弟子侄官爵俱列大位太保九男长子琇次子仪三子云四子瑛五子珪六幼贤七幼儒八幼明九幼冲史止载汾阳弟幼明一人而子仪官封史与碑亦多不合录之以备考 子仪武举及第授左卫长上改河南府成皋府别将又改同州兴德府右果毅左金吾卫知队仗长上又改汝州鲁阳府折冲知右羽林军长上又迁桂州都督长史充当管经略副使又改北庭副都防充四镇经略副使又除左威卫中郎将转右司御率兼安西副都防改右威卫将军同朔方节度副使改定遠城使本军营田使又加单于副大都防东受降城使左厢兵马使又拜右金吾卫将军兼判单于副都防又拜左武卫大将军兼安北副都防横塞军使本军营田使又兼充天德军使安北副都防又兼封州都督西受降城使右厢兵马使改卫尉卿兼单于安北副大都防灵州刺史摄御史中丞充朔方节度關内支度营田盐池押诸蕃部落副大使知节度事六城水运等使又拜御史大夫余并如故又拜兵部尚书同中书门下平章事兼单于安北副大都防灵州大都督府长史节度等使余如故又特加银青光禄大夫又拜司空余如故又充副元帅余如故又拜尚书左仆射同平章事兼武部尚书余如故又加朔方管内采访处置使又加司徒封代国公食实封一千户余如故又兼中书令司徒兼灵州大都督府长史单于镇北副大都防朔方节度等诸使余并如故又充东京畿及山南东道并河南等道诸节度防御兵马元帅乃权知东京留守判留司尚书省事余如故又兼邠宁鄜坊等两道节度使又封汾阳郡王知朔方河中北庭潞仪泽沁等节度行营兼兴平定国等军兵马副元帅仍充本管观察处置使余并如故加实封五百户又加实封二百户又加实封二百户又充關内副元帅余如故又兼上都留守余如故又兼河东副元帅河中节度本道观察处置等使兼河中尹余如故又兼灵州大都督单于镇北大都防充朔方节度大使及關内支度营田盐池押诸蕃部落等使六城水运使管内观察处置使余如故又拜太尉兼河西副元帅通和吐蕃等使余如故又拜尚书令兼中书令余如故 太保孙见于碑者十三人曜吁晞咄晤昉暖暁曙昫映暄上皆有官爵曜晞二人俱称太原县开国公曾孙见碑者二人刻名处为人所壞一曰守少府卿一曰守国子监主簿予从郭氏宠命录抄当日碑石所未载者世次于后汾阳有大勲于唐室宜其后之以炽而昌也吁子仪次子晞子仪三子兵部尚书封

赵国公暖子仪六子卒赠尚书左仆射以女为宪宗后穆宗太后复赠太尉曙子仪七子先金吾大将军卒封沂国公昕子仪侄幼明之子安西大都防四镇节度使旼子仪侄郭太后叔父封郑国公曜太子太傅諡曰孝郭太后穆宗母宪宗后也为暖尚代宗长女升平长公主之女追赠曾祖太保追封岐国公敬之赠太傅父暖为太尉母虢国长公主为高国大长公主钊暖之子工部尚书剑南西川节度入为太常卿检校司徒郭太后兄也鏐金吾大将军卒赠尚书左仆射尚顺宗长女汉阳公主鋹太子詹事仲恭尚穆宗第四女金堂公主银青光禄大夫仲词尚穆宗第六女饶阳公主钊之第三子也银青光禄大夫袭封太原郡公仲文殿中少监【以上抄宠命錄】忠武王陪塋肃宗建陵【陵内陪塋止王一人】在武将山与太宗九山昭陵相连而稍西北何以无墓碑或经后人埋没未可知也郭氏子孙今尚盛住居华下华州之东路旁有郭汾阳故里石碑此地山川亦极秀丽集古录有忠武王将佐略碑云贞元十二年陈翊撰翊之所书亦为盛矣犹言得其六七蓋其官至宰相者七人为节度使者二十八人尚书丞郎京尹者十人为察使者五人据翊所得而书者实六十人而显名于世者蓋五十人虽乔琳周智光李懷光仆固懷恩等陷于祸败然杜鸿渐黄裳李光弼光进之徒伟然名见于当时而垂称于后世者亦少能及此岂惟得失不相当而已哉虽汾阳功业士多喜附以成名然其亦自有以得之也其忠信之厚固出其天性至于处富贵保名德古人之所难者谋谟之际宜亦得其助也

赠工部尚书臧懷恪碑

在三原县北原李秀岩篆额顏真卿撰并正书广德二年
鲁公此碑书比诸石风骨特秀劲下截为田夫磨礪无字上半精采夺目可宝也 按碑公讳懷恪东莞人今之沂州非粤之东莞鲁公与臧氏交厚碑云臧氏自骠骑以还世以材雄朔陲迨于今兹蕃衍弥炽自天宝距开元乘朱轮而拖珪组者相望国都云云懷恪七子皆仕于朝少子希让为代宗都虞候渭北节度使封鲁国公懷恪以子贵自右武卫将军三赠至工部尚书兄懷亮右羽林军大将军鲁公又为臧氏书故宅碑纠宗碑县志载之今皆亡矣

宋州八關斋防石幢【正书】

在归德府顏鲁公撰并书广德三年首篆文宋州八關斋防记 节度田神功项疾愈州将徐向等为之斋防作石幢以记之其事不足重以鲁公书重之耳石幢八角每角濶八九寸高八尺

茅山碑【正书】

在茅山顏真卿撰并书夏五月 鲁公此碑字与顏家庙大麻姑坛相埒予得之友人敝篋中十损二三缺其首尾未获考其年月

麻姑坛记【大历六年】

在抚州南城县东南二十里麻姑山中 都 敬金薤琳琅云右唐小字麻姑坛记顏真卿撰并

书今在江西南城县之麻姑山欧阳公谓或者疑其非真而复以为笔画有法非鲁公不能书也赵明诚谓陈无已尝见黄鲁直言此乃庆历中一学佛者所书鲁直能道其名及观陆放翁云鲁公麻姑坛记有大小二本盖用羊叔子岷山故事通志金石略载鲁公书亦有小字麻姑坛记则欧阳公之疑与鲁直之言又似不足信元柳待制道传云麻姑坛碑小字楷法尤精比闻旧石焚毁山中重刻宜也顏鲁公书麻姑坛记有大小字两石都元敬考论详矣余昔过南城登麻姑山见小字石已漶漫而诸家所刻几十数种虽非原本皆足见鲁公书法风骨姑收此两纸以存梗概若大字本则絶无而仅有戊寅春暮余于莺脰湖潘次耕先生家见之字大如臧懷恪碑宛若新刻宋搨何疑真可宝也又余斋所藏帖字大莫如中兴颂字小莫如麻姑坛皆鲁公笔所谓神龙屈伸不可端倪者也侗记

磨崖中兴颂

在祁阳县浯溪石崖上元结撰顏真卿大字正书大历六年 磨崖石 宗泰山铭字体最大八分书若正书字大者则以此颂为第一而结体最小者莫若麻姑坛皆鲁公手笔元结序云非老于文学者其谁宜为王元美谓首句噫嘻前朝孽臣奸骄非颂体此石本予得之旧家若今搨无此完好矣颂石后有黄庭坚读中兴颂诗宋刻漶漫略可读明华亭董 宰以白松绫五幅自书读浯溪颂诗漫郎左氏癖鲁公羲之鬼千载遼坛场同时恰对垒有唐九庙随秋烟一片中兴石不毁几回吹律寒谷春几度看碑陈迹新辽鹤归来认城郭杜鹃声里含君臣折钗黄绢生光恠旧国江山余气概当年富贵腹剑多异代风流椽笔在书生何负于国哉元祐之籍何当来子瞻饱吃惠州饭涪翁夜上浯溪台扶藜扫石溪声咽不禁技痒犹题碣清时有味是无能但漱湘流莫饶舌绫色如新墨光映射鲁公千载后不得不推为擅场予力不能得不知为何人所有 宋马永卿曰中兴颂云复复指期此两字出汉书匡衡传云所更或不可行而复复之注云下复扶目反又何武为九卿时奏言宜置三公官又与翟方进共奏罢刺史更置州牧后皆复复故注云依其旧也下复扶目反

右丞相广平文正公宋璟碑

在沙河县西北八里墓前顏真卿撰并书大历七年壬子 碑侧记大历十三年戊午石高八尺广四尺厚一尺一寸四面遍书前后面皆二十七行每行五十二字左右旁皆七行每行五十字歲久已防仆于地明沙河令方豪起而立之另有碑记碑侧记乃鲁公续书宋世即已缺裂崇宁间范致君别刻于石迄今五百余载石复剥蚀而文隱隱可读邢州司李萧蛰庵震梓而传之补史所未备恐碑石湮没不彰予装録侧记于装本之末今再録于此初公任监察御史持节于沙河属突厥寇赵定州河朔凶惧邢州刺史黄文軌投艰于公公以父母之邦金革无避及贼至城下公为晓陈祸福其徒有素闻公威名者乃相率而去开元末安西都防赵含章冒于货贿多以金帛赂朝廷之士九品以上悉皆有名其后节度范阳事方发觉有司具以上闻 宗切责名品将加黜削公一无所受乃进諫焉 宗纳之遂御花萼楼一切释放举朝皆谢公衣冠俨然独立不拜翌日入奏 宗谓公曰古人以清白遗子孙乃卿一人而已公曰含章之贿偶不至臣門非不受也 宗深嘉叹之前碑阙故略述之公第四子浑之为中丞也方欲陈乞御制碑颂未果而中受谴谪事竟不成真卿时叅监察殿中为中丞属吏故公孙俨泣

请真卿论撰之昭义军节度观察使尚书左仆射兼御史大夫平阳郡王薛公曰嵩以文武忠义之资为国保障上慕公之德业叹尚无穷次嘉俨之恳诚崇竖莫致乃命屯田郎中权知邢州刺史封演购他山之石曳以百牛僦刻字之工成乎半歲磨砢既毕建立斯崇遠近嗟称古今荣观虽大贤为德树善庸限于存亡而小子何知附驥托迹于阶序真卿刺湖州之日因成其文请俨刻其侧而志之未及雕防而第八子衡因谪居沙州叅佐戎幕河陇失守介于吐蕃以功累拜工部郎中兼御史河西节度行军司马节度周鼎保守炖煌十余歲遂有中丞常侍之拜恩命未逮而吐蕃围城兵尽矢穷为贼所陷吐蕃素闻太尉名德曰唐天子我之舅也衡之父舅贤相也落魄于此岂可留乎遂赠以驼马送还于朝大历十二年十一月以二百骑尽室获归土君子伟之乃古来所无也上欲特加超獎且命待之于侧門十三年春三月吏部尚书顏真卿记 按文贞开元二十五年丁丑冬卒寿七十五明年戊寅夏塋碑立于大历七年壬子自丁丑至壬子凡三十六年又六年戊午乃大历十三年复有碑侧之记顏文忠兴元元年甲子秋卒于希烈之难寿七十六遡壬子书碑时文忠年六十四书碑侧时年七十矣文贞卒时文忠年始二十九开元五年文贞同平章事文忠方九齡乃自少而壮壮而老世变屡更而巍巍丰碑必出文忠手笔此中谓非有神合乎千載下见遗迹而想其德令人慨慕之无从也萧蛰庵至邢访文贞公后二十四代孙道亨携族谱来公子七六无谱惟六子华谱甚详华子俨苏州刺史俨二子长嗣先左补阙次子嗣宗奉化令家焉明景泰初兵部侍郎讳琰者公十七代孙也过邢有望墓诗其家南和者十七代而絕 治间南和令朱锐于奉化取公十九代孙伍来以守祠自伍至亨凡六世今家沙河者百余人业农家南和者仅道亨一人奉化者久不相往来蛰庵震记

孔子庙残碑

在华州程浩撰顏真卿正书 此文载于唐文粹为扶风县文宣王庙记大历二年驾部郎中程浩文而今西安府学有僧梦英书此一记其文正同但去扶风古县也以下半篇其跋云此记刊石元在湖州临安县梦英爱而书之岂驾部先作此于扶风鲁公又书之湖州而去其半篇耶而考唐地里志临安属杭州不属湖州得非梦英之误耶今华州有此残碑数十字其文同

争坐位帖

在西安郡庠圣教序亭内右厢西牕台行草 此鲁公为检校刑部尚书时与定襄郡王郭英又书稿论朝防不宜让内侍鱼朝恩居上坐侃侃其词俗谓争坐位帖宋沈括梦溪笔谈曰都堂及寺观百官防集坐次多

出临时唐以前故事皆不可考惟顏鲁公与郭英又书云宰相御史大夫两省五品供奉官自为一行十二卫大将军次之三师三公令仆少师保傅尚书左右丞侍郎自为一行九卿三监对之从自古以来未尝叅错此亦略见当时故事 赵子函曰不知何时上石石已泐矣而法犹可寻王元美云无一笔不作晋法所谓无意而文从容中道者也又云公刚劲义烈之气文不能发而发之于笔墨间余尝谓公学不如其人于麻姑坛记见之词不如笔楷不如行有意不如无意于此帖见之而都 敬乃谓草草之笔亦为摹刻以人重耳余不能不服膺元美此碑虽

泐而顏公筆法宛然近董氏摹入戏鴻堂帖乃云陝省者不足觀而自謂存公法度今以余觀董氏刻視此則神亡矣此石質粗多麻孔幸字畫皆未損摹印不精遂致模糊予至郡庠墨洞與印工對坐竟日紙墨力俱佳僅得兩本觀者謂為重刻又謂旧搨董氏夸有宋搨本想亦如是恨未一見

顏氏家廟碑

在西安郡庠李陽水篆額顏氏家廟之碑建中元年建唐末喪亂其碑倒于郊野宋太平興國五年都院孔

目官李延襲移建學宮立于明皇孝經石台亭東北向碑首行題曰唐故通議大夫行薛王友柱國贈秘書少監國子祭酒太子少保顏君廟碑銘乃魯公父也次行第七子光祿大夫行吏部尚書充禮儀使上柱國魯郡開國公真卿撰并書君諱惟貞字叔堅其叙先世或稱諱某若伯叔祖父羣從具直書其名碑文已詳石四面遍書額上題字額陰片石方廣如前魯公書云高祖記室君國初居此宅虢州君舍人君侍焉堂今置廟地高祖妣殷夫人居十字街西北壁第一宅秘書監君禮部侍郎君侍焉虢州君居后堂華州君于堂中生焉今充神厨少保君堂今充齋堂防屋充亞獻終獻齋室共八十五字人不知摹搨塵土封翳予拂拭摹出碑石高八尺廣四尺七寸厚一尺五寸前後皆二十二行每行四十七字左右旁皆六行每行五十字字比前后面略小額字又差小

顏魯公與蔡明遠書

行草拓本二帖并依金石錄附于大曆之末

奉使蔡州題字

在同州中有魯公画像書曰真卿奉命來此事期未竟止緣忠勤無有旋意然中心悵悵始終不改游于波濤宜得斯報千百年間察真卿心者見此一事知我是行亦足達于時命耳又曰人心無路見世事只天知下有題曰觀此筆迹不題歲月以事實考之蓋公使李希烈時也希烈以建中元年陷汝州盧杞建議遣公奉使至正元【宋諱貞故作正】元年八月丙戌公不幸遇害困蹶賊庭者逾二年乃加于頸而色不變度無還期誓不易節蓋書此以自表云靖康元年七月壬申朝散郎秘閣修撰知同州軍事唐重書又有忠義堂帖宋人所刻此帖名為奉命帖又有移蔡一帖曰貞元元年正月五日真卿自汝移蔡天也天之昭明其可誣乎有唐之德則不朽耳十九日書叶少蘊避暑錄話曰顏魯公真迹宣和間存者猶有數十本其最著者與郭英乂論坐位書在永興安師文家祭侄季明文病妻乞鹿脯帖在李觀察士衡家乞米帖在天章閣待制王質家寒食帖在錢穆甫家其餘與蔡明遠帖盧八倉曹帖送劉太真序等【當作劉太冲】不知在誰氏皆有石本坐位帖安氏初析居分為二人多見其前段師文后乃并得之相皆入內府世間無復遺矣【孫承澤曰送劉太冲序墨迹旧在中書趙士禎家后歸之關中南宗伯宗伯沒其邑中舉人東防商得之后復歸南氏余從東君借臨月余今國學

所摹印即赵氏本也视墨迹文字及书法俱小异岂传世不止一本乎】今忠义堂所刻已上诸帖皆有之又有送辛晃序清遠道士同沈恭子游虎丘寺诗末题大历五年十二月 又有开元二年二月顏元孙告身一通乾元元年四月顏昭甫告身一通宝应元年七月顏惟贞赠秘书少监告身一通殷氏赠兰陵夫人告身一通大历十二年八月顏真卿刑部尚书告身一通建中元年八月真卿太子太师告身一通后有宋至和二年蔡襄跋嘉定乙亥刘元刚刻石

国子学石经

在西安府儒学圣殿明伦堂之后东西长廊树立其下故称墨洞开成二年立于国学宋元祐二年移立此旧唐书文宗纪开成二年宰臣判国子祭酒郑覃以经义启导稍接文学之士遂奏置五经博士依汉蔡邕刊碑列于太学创立石壁九经诸儒校正讹谬上又令翰林勒字官唐元度复校字体石末有元度等表文一通易经十卷九石二万四千四百三十七字书经十三卷十石二万七千一百三十四字诗经二十卷十六石四万八百四十八字周礼十卷十七石四万九千五百一十六字仪礼十七卷二十石五万七千一百一十一字礼记二十卷三十三石九万八千九百九十四字

春秋左传三十卷六十七石十九万八千九百四十五字

公羊传十卷十六石四万四千七百四十八字谷梁传十二卷十六石四万二千八十九字孝经一卷一石二千【阙】百【阙】十三字

论语十卷六石一万六千五百九字

尔雅三卷四石一万七百九十一字

五经文字三卷十石

九经并孝经论语尔雅字樣共计六十五万二百五十二字

大唐开成二年丁巳歲月次于元日维丁亥书石学生前四门馆明经臣陈玠

书石学生前四门馆明经臣艾居晦

书石学生前文学馆明经臣【阙】

书石官将仕郎守润州句容县尉臣段绛校勘兼看书上石官将仕郎守四门助教臣陈庄士

校勘兼看书上石官将仕郎守秘书省正字臣栢嵩

覆定字体官翰林待诏朝议郎权知河王友上柱国赐绯鱼袋臣唐元度

校勘官兼专知都勘定经书检校刊勒上石朝议郎守国子毛诗博士上柱国臣章师道朝散大夫守国子司业骑都尉赐绯鱼袋臣杨敬之

都检校官银青光禄大夫【阙】

国子祭酒同中书门下平章事太清宫使监修国史上柱国荥阳郡开国公食邑二千户臣覃

京兆府府学新移石经记略汲郡龙图吕公领漕陝右之日持适承乏雍学一日谒公公喟然谓持曰京兆闾閻间有唐国子监存焉其间石经乃开成中镌刻唐史载文宗时太学勒石经而郑覃与周墀等校定九经文字上石及覃以宰相兼祭酒于是进石壁九经一百六十卷旧在务本坊自天祐中韩建筑新城石经尽委于野至朱梁时刘鄩守长安有幕吏尹玉羽者白鄩请辇入城鄩方备岐军之侵軼谓此非急务玉羽给之曰一旦贼兵临城碎为矢石亦足助敌为虐鄩然之乃迁置于此即唐尚书省之西隅也地杂民居其处洼下随立辄仆歲久折缺予欲徙置于府学之北墉遂视图命役具器用筑浮虚凡石刻之偃者仆者悉辇置于其地洗剔尘土补镵残缺分为东西次比而陈列焉明皇注孝经及建学碑则立之于中央顏褚欧阳徐柳之书下迨偏傍字源之类则分布于庭之左右先是有兴平僧诞妄惑众大尹刘公希道没入其货有请于朝以修慈恩浮图者公建言兴建学校为急朝廷以五百千畀之不费于公不役于民经始于元祐二年初秋尽孟冬而落成门序旁启双亭中峙廊庑回环不崇不卑诚故都之壮观翰墨之渊藪也如蔡中郎石经四十六碑范蔚宗才见其十有六今皆磨灭不可攷矣然后知金石之固不得其人防持之亦难必其可久此吕公所以为有功于圣人之经而不可不书也元祐五年歲次庚午九月黎持记河南安宜之书予以为尹玉羽之功在吕公之上诸石残缺多明崇禎间长安费铸另书九经补缺字樣别刻于石字不佳与唐不类予所装裱石经手自补缀唐石有半字 画可见者悉存之空缺处不得已用费字誉补玉羽小吏有功石经 本朝陝抚贾汉复于康熙三年补刻孟子于石孟子七卷十石三万六千五百六字周宣王石鼓韩昌黎请自凤翔移至长安国学而不可得元人乃不遠数千里辇置燕都石经自唐开成厯宋至明迄今千余年而孟子一书补之者乃出于汉复之手不能不作绕朝之叹然字与刻手皆劣不足以防美唐石 顾宁人金石文记曰宰臣郑覃以六经讹谬已多博士相沿难改正请召宿儒奥学详校正定准后汉故事勒石太学从之乃石经立又乖师法后数十年名儒皆不窥之以为芜累甚矣旧史之评如此愚初读而疑之又见新书无贬辞以为石壁九经虽不逮古人亦何遽不贤于寺碑冢碣及得其本而详校之乃知经中之缪戾非一而刘昫之言不诬也略识于左

周易

君子以裒多益寡裒误作褒 悔吝者言乎其小疵也言误作存 其孰能与于此哉脱于字 周易系辞下第八脱下字 易穷则变变则通通则久是以自天祐之吉无不利下多一也字 力小而任重小误作少复于外者必反其家其误作于

夬必有所遇脱所字盍则飭也飭误作饰 丰多故亲寡旅也故下多一

也字 姤遇也姤误作遘 其与今文不同而两通者终来有他吉他作它
刚健笃实辉光作輝光 君

子以治厯明时厯作厯 可与佑神矣佑作祐 其受命也如向向作响
兼三才而两之三才之道也才皆作材 其一字而前后不同者
包防包荒包承包羞系于包桑【系辞下同】包皆作苞包有鱼包无鱼以杞包 包皆作包
问以辨之由辨之不早辨也其辨明也明辨皙也辨吉防者存乎辞困德之辨也井以辨义辨
是与非辨皆作辩君子以类族辨物剥牀以辨君子以慎辨物居方复小而辨于物皆作办其
旁注至静而德方德下添一也字 贲亨小利有攸往利下添一贞字 其先误而后改者
略例筌误作荃 愈误作喻 二无误作无皆即以其误改之 其标题周易系辞上第七周易系
辞第八周易说卦第九皆八分书而周易序卦第十周易杂卦第十一皆正书虽依古注本附
于第九之内以正书为别终似未安

尚书

乃祖乃父丕乃告我高后曰作丕刑于朕孙乃父误作先父孙上多一子
臣下罔攸稟令令误作命 若药弗瞑 药误作乐 王乃徇师而誓徇误作循
乃汝世讐世误作誓 太保乃以庶殷攻位于洛汭攻误作公 用端命于上帝于误作予
其与今文不同而两通者 敢对扬天子之休命无之字 其旁注者 予有乱臣十人臣字旁注
惟妇言是用是字旁注 释箕子囚封比干墓式商容间干下容下各添一之字

诗

小戎序国人则矜其车甲甲误作田 舒慼受兮慼误作忧 予尾脩脩脩误作脩
戎车既飭飭误作饰以祈黄耆祈误作祁 凉曰不可凉误作谅 无此疆尔界界误作介
侯疆侯以疆误作强 其与今文不同而两通者 雝雝鸣雁雝作雍 之死矢靡他他作它
不知我者谓我士也骄作不我知二章同 和鸾雝雝雝作雍
何人斯序故苏公作是诗以絶之也以作而 维尘雝兮雝作雍 既匡既敕敕作勅
其政不获政从郑笺作正 尚不愧于屋漏愧作媿 于彼西雝肃雝和鸣有来雝雝雝作雍
屡丰年屡作娄其先误而后改者 抱衾与裯裯误作稠 不瑕有害瑕误作遐
鱣鲔发发发误作拨 噂沓背憎噂误作蹲 如彼遯风遯误作
駟駟牡马牡皆误作牧皆即其误改之 云何其吁脱其字添

周礼

女史八人史误作使 太宰三曰郊甸之赋郊误作邦内飡豕望视而交睫豕误作施
典臬掌布缙纁纁

麻草之物总误作丝 牛人军事共其犒牛犒误作犒司市市司帅贾师而从贾误作胥肆长掌其戒令

令误作禁 鞮鞻氏府一人一误作八 鬯人鬯门用瓢賚用误作明
司几筵设莞筵纷纯筵误作席 大司乐大防防误作磬 王大食三侑侑误作宥
大师令奏鼓 鼓误作瞽 大祝四曰禋禋误作荣 司常家各象其号象误作相
凡以神仕者仕误作士 小子史二人二误作一
大司马旂居卒间居误作车考功记妣胡之笱笱误作笱
矢人前弱则俛俛误作勉其与今文不同而两通者 医师疔 者疔上多一

有字 野庐氏有相翔者诛之诛上多一则字 邦之大师大上多一有字
庭氏以救日之弓与救月之矢射之射上多一夜字

仪礼

士冠礼 栖兴 误作建 射礼司射适堂西袒决袒误作袒 楅𣏂横而奉之奉误作拳
大夫与士射袒纁襦纁误作薰燕 礼右祭脯醢脯误作补 大射仪賓升成拜拜误作败
坐授瑟乃降授误作受 聘礼賓既将公事复见訝以其摯訝误作之
公食大夫礼陈鼎于碑南南面西上脱一南字 觐礼天子赐舍曰伯父脱曰字
士丧礼祭服不倒倒误作到 少牢馈食礼如筮日之仪仪误作礼
主妇被锡衣侈袂侈误作移下同 祝延尸延误作筵 有司彻二手执挑匕枋挑误作桃
主妇洗爵于房中脱爵字 主妇北面答拜受爵尸降筵受主妇爵以降误作受尸爵
主人降洗爵爵误作觶下主人实爵竝同 主人拜受爵尸拜送脱爵字
其与今文不同而两通者 乡射礼适左个中亦如之亦作皆
燕礼小臣又请媵爵者二大夫媵爵如初大夫下更有大夫二字

礼记

删御定月令在曲礼之前 月令人乃迁徙徙误作徒其器閼以奄奄误作掩
檀弓上周公盖祔祔误作

附 王制示弗敢主也示误作亦 礼器飨帝于郊而风雨节寒暑时脱节字
学记燕辟废其学辟误作譬丧大记男子出寝门外脱外字 子大夫公子众士

食粥脱众士二字

哀公问如此则国家顺矣少则字坊记民犹薄于孝而厚于慈犹下多一有字 中庸

待其人而后行而误作然 君子之所不可及者脱之字 缁衣有国家者章善癉恶脱家字
儒行慎静而尚宽脱而字 大学人之其所亲爱而辟焉五辟字皆误作譬

若有一个臣个误作介 其与今文不同而两通者 檀弓上有亡恶乎齐亡作无
歲壹漆之壹作一 乐记非聽其鏗鏘而已也鏘作鎗 杂记上客立于门西于作于
杂记下泄柳之母死泄作世 丧大记命妇汜拜众賓客于堂上于作于
主人先俟于门外于作于 中庸可一言而尽也一作壹 问丧祭之宗庙以鬼享之享作飨
大学尧舜帅天下以仁二帅皆作率 昏义祖庙既毁教于宗室于作于
射义是以诸侯君臣以作故 其先误而改者 学记教人不尽其材材误作才
故人不耐无乐耐误作能皆即误而改之

春秋左传

隐元年且告之悔且误作具 五年僖伯称疾不从疾误作侯 十年伐戴戴误作载
桓二年故封桓叔于曲沃故误作政 六年楚之羸羸误作羸 以类命为象类误作德
闵二年从曰抚军军误作国 僖三年公子友如齐涖盟涖误作泣
四年归胙于公脱胙字姬寘诸宫六日宫误作公 公杀其傅杜原款傅误

作传 七年弗可改也已改误作故 十四年公怒止之止误作上 十五年谿秦伯谿误作
使郤乞告瑕吕飴甥且召之且误作国 二十五年昏而傅焉傅误作传
二十七年责无礼也责误作青 郤穀可穀误作谷 三十一年晋新得诸侯新误作亲
东傅于济傅误作传 三十三年入险而脱入误作人 为从者之淹淹误作流
文元年王使毛伯卫来锡公命锡误作赐 享江芊芊误作芊
二年废六闕闕误作阙 七年寘文公子焉焉误作曰
十二年太子以夫钟与郕邾来奔邾误作封 宣二年晋赵盾弑其君夷皋弑误作杀
三年晋侯伐郑及郕郕误作延 商纣暴虐纣误作讨 四年秋公如齐秋误作利
六年离卦误作同人 八年杀诸绛市绛误作终 十二年晋师在敖鄆之间师误作帅
十五年吾获狄土土误作士 十七年盟于卷楚卷误作巷
郤子其或者欲已乱于齐乎乎误作平 十八年凡自虐其君曰弑虐上多一内字
成二年及齐师战于新筑师误作侯 且辟左右且误作旦 七年寻虫牢之盟虫误作蛊
十七年楚公子囊师袭舒庸囊误作橐囊 十年子蟜误作矫 今伐其师今误作令
十四年士鞅反反误作及 十七年苟过华臣之门必骋骋误作聘
十九年而视不可含含误作舍 所不嗣事于齐者事误作是 天子令德天误作夫
二十一年栾盈过于周过上多奔楚二字 二十三年邾畀我来奔畀误作卑
二十五年先夫当之矣夫误作天 井堙木刊堙误作烟 赋车兵徒卒甲楯之数卒误作兵
二十七年父子死余矣余误作余 免余复攻 氏余误作余
二十八年重丘之盟未可忘也忘误作志 使析归父告晏平仲晏误作宴
文子使召之召误作君 庆氏之马善惊马误作焉 武王有乱臣十人脱臣字
三十年蔡景侯为太子般娶于楚娶误作聚 单公子愆期期误作旗 驷带追之驷误作四
昭元年今武犹是心也今误作令 二年齐使上大夫送之送误作逆
三年少姜有宠而死姜误作齐 知而复从复误作弗 四年恃险与马马误作焉
五年娶于子尾氏娶误作聚 君若驩焉好逆使臣若误作苦

九年无圉犹可圉误作宥十三年隱太子之子庐归于蔡庐误作卢 十四年

楚子使然丹简上国之兵于宗丘宗误作宋 二十年余不忍其詢詢误作狗

取人于萑苻之泽苻误符二十一年心是以感感实生疾感误作咸

二十二年士平出奔楚士误作氏 边印为大司徒印误作印二十五年季公鸟生申申误作甲

二十七年入于堀室堀误作 定元年荣驾鹅驾误作骂 三年及邾盟于防防误作技

八年子姑使溷代子代误伐 十年驷赤谓侯犯曰赤误作亦 哀四年盜杀蔡侯申杀误弑

蔡昭侯将如吳蔡误作 十六年与晋人谋袭郑晋误作为

三十三年有不腆先人之产马马误焉 二十六年四方其训之训误顺

其与今文不同而两通者 宣二年以视诸朝视误作示 哀十六年此事克则为卿事下有也字 其续添者 昭二十二年辛丑伐京毀其西南下添子朝奔郊四字

春秋公羊传

隱元年何以名字也字上多一不字 二年妇人谓嫁曰归嫁误作稼 三年曷为或言崩或言薨 脱上一或字生母相见死母相哭母字竝误作母死母误作母死六年吾与郑人未有成也未 误作末下同 十年宋

人蔡人卫人伐戴戴误作载 桓二年曰有有则此何以书脱一有字 隱贤而桓贼也贼误作贱 庄十九年此其言遂何脱其字 二十五年求乎陰之道也陰误作隱

二十三年狄伐邢邢误作刑 僖四年南夷与北狄交误作北夷

六年此其言围何围下多一者字 二十六年乞师者何脱师字 三十年归恶乎元喧

也乎误作于 三十三年百里子与蹇叔子百误作伯文四年其谓之逆妇姜于齐何何误作河 宣十五

年然后归尔尔误作耳 成十五年成公幼幼误作忧臧宣叔者相也叔误作公 襄十四年季孙宿防晋

士句宋华阅卫孙林父郑公孙蚩莒人邾娄人于戚邾娄人脱人字

十七年春王二月二误作三 十九年为其骄蹇为误作或

二十九年许人子者必使子也人下脱子字 昭九年其言陈大何脱陈字

定元年立炀宫宫误作公 四年夷狄也而忧中国而误作其哀四年盜杀蔡侯申杀误作弑

六年齐国夏及高

张来奔高上多一齐字 十四年顏渊死子曰上多一孔字 其与今文不同而两通者

隱四年隱公曰否作隱曰吾否 桓六年简车徒也徒作马淫乎蔡乎作于

十一年祭仲者何郑相也相上有之字 文六年何以谓之天无是月非常月也是月下更有是 月二字宣公六年此非弑君而何而作如 十年未絕于我

也于作于 十二年是以君子笃于礼而薄于利于作于 成二年得一貶焉尔一作壹
襄十二年春王正月正作三 二十九年尔杀吾君杀作弑
三十一年于是负孝公之周愬天子愬作诉 十四年有麋而角者麋作 其先误而后改者
桓二年此其目言之何目误作月 闵元年盍弑之矣使弑子般弑竝误作杀
僖十三年葬陈宣公宣误作桓 成二年及齐侯战于鞌侯误作师
昭二十五年庆子免君于大难矣脱矣字皆即其误改之

春秋谷梁传

隐元年父者何傳也傳误作传 四年弑而代之也代误作伐 九年所使也使误作挟
庄七年则是雨说也雨误作两下同 僖五年天子世子世天下也误作士子
二十二年春秋三十有四战脱有字 二十八年晋侯齐师宋师秦师误作齐侯
文二年内大夫可以防外诸侯脱外字 三年王子虎卒误作壬子
宣八年以讥乎宣也讥误作饥 襄元年晋侯使荀防来聘防误作嬰二年三月同
三年诸侯始失正矣正误作王 六年立异姓以蒞祭祀立上多一非字
哀元年此该之变而道之也该误作郊 六年入者内弗受也弗误作不下同
其与今文不同而两通者 僖十七年桓公尝有存亡继絕之功脱公字
文六年处父主境上事事上多一之字 成五年帅羣臣而哭之前作率后作帅
其先误而后改者甚多不具载

论语

赐也尔爱其羊尔误作女 不知其仁仁误作人 子使漆雕开仕雕误作雕
再斯可矣斯误作思 三人行三上多一我字 必有我师焉有误作得
冉有子贡侃侃如也有误作子 告夫三子三上多一二字可与言而不与之言脱之字
称诸异邦诸误作谓何德之衰衰下多一也字
其与今文不同而两通者女得人焉尔乎尔作耳 人洁已以进洁作絜 其

先脱而后添注者 阳货篇子曰巧言令色鲜矣仁

尔雅

替戾底废底误底 翺纛也翺误作翺 皇华也误作华皇 赫兮咺兮咺误作烜
是刈是获误作获 木谓之虞木误作本 何鼓谓之牵牛何误作河 泽鸟 误作殯
苧麻母苧误作苧 櫨橐含櫨误作攬祝州木祝误作祝 鱼尾谓之丙尾上添之字 燕

白脰鸟鸟误作鸟 杨鸟白鶩杨鸟误作鶩 鸢鸟丑鸟误作鸟 鸟鵲丑鸟误作鸟 大 误作
大 凡经中二十字皆作廿三十字皆作卅按古诗之文多是四言如于三十里三十维物皆
四言也则当为三十字史记秦始皇刻石如卅有六年维卅九年卅有七年则当为卅字卅字

今改经文而为卅卅字非矣 凡经中虎字皆缺末笔作虎虬号 饕餮箠字皆同避太祖讳
渊字皆缺笔作渊嫫亦作嫫避高祖讳
世字皆缺笔作卅泄作泄继作綬弃作弃勦作勦叶作 防揲鞞嫖嫖嫖皆改从云
民字皆缺笔作民氓作毗岷作防昏缙皆改从氏避太宗讳 适字皆缺笔作活避德宗讳
诵字皆缺笔作诵避顺宗讳 纯字皆缺笔作□避宪宗讳 恒字皆缺笔作 避穆宗讳
湛字皆缺笔作湛甚作甚避敬宗讳 乃若高宗讳治中宗讳显睿宗讳旦 宗讳隆基文宗讳
涵皆不缺笔者礼天子事七庙自肃至敬七宗而高祖太宗创业之君不祧者也 宗以上则
祧庙也故不讳【册府元 宝历元年正月太常寺礼院上言 宗庙讳准故事祧迁后不当
更讳制可】文宗则今上也古者卒哭乃讳故生不讳 左传文公宣公卷字更滥恶而成城字
皆缺末笔谷梁襄昭定哀诸公卷仪礼士昏礼皆然皆为朱梁所补刻考之宋刘从义黎持二
记但言韩建刘鄩移石而不言补刻【宋建隆三年刘从义修文宣王庙记言天祐甲子歲太
尉许国公为居守移太学并石经于此甲子歲昭宗迁雒之年许国公即韩建也元祐五年黎
持新移石经记则云旧在务本坊自天祐中韩建筑新城而石经委弃于野至朱梁时刘鄩守
长安从幕吏尹玉羽之请辇入城中置于此地即唐尚书省之西隅也今龙图吕公领漕陝右
以其处洼下命徙置于府学之北墉而建亭焉二说不同朱彝尊曰尹玉羽者京兆长安人以
孝行闻刘鄩辟为保大军节度推官历雍汴滑兗从事仕后唐至光禄少卿晋高祖召之辞以
老退归關中尝着自然经五卷武库集五十卷其事散见于 府元 惜欧阳子不为之立传
而其书亦不传于世也】然成字缺笔其为梁讳无疑昔人固未尝徧读而博考也详见镇东
军墙隍庙记下

五经文字三卷

凡一百六十部三千二百三十五字大历十一年国子司业张参以说文字林兼采汉石经着
为定体按刘禹锡国学新修五经壁记曰大历中名儒张参为国子司业始详定五经书于论
堂东西厢之壁辨齐鲁之音取其宜考古今之文取其正由是诸生之师心曲学偏听臆说咸
束而归于大同积六十年崩剥污蔑泯然不鲜今天子尚文章尊典籍国学上言遽赐千万时
祭酒皐博士公肃遂以美羸更新壁书惩前土涂不克以寿乃析坚木负墉而比之其制如版
牘而高广其平如粉泽而絜滑皆施阴闕使众如一附离之际无迹可寻堂皇靚深两屋相照
申命国子能通书法者分章揆日悬其业而缮写焉此文当作于太和年间自土涂而木版自
木版而石壁凡三易矣乃今石刻其末曰干符三年孙毛诗博士自牧以家本重校勘定【当
云毛诗博士孙自牧于文乃顺】七月十八日书刻字人鱼宗防其字别体与朱梁所刻相类
而本文不然当是开成中所刻其中有磨改数字者意自牧所为也

新加九经字樣一卷

凡七十六部四百二十一字国子监奏覆定石经字体官翰林待诏唐元度状准太和七年十
二月五日勅覆定九经字体者今所详覆多依司业张参五经文字为准其旧字樣歲月将久
画 参差传写相承渐致乖误今并依字书参详改正诸经之中别有疑阙旧字樣未载者古
今体异 变不同如总据说文即古体惊俗若依近代文字或传写乖误今与校勘官同商较

是非取其适中纂錄为新加九经字樣一卷请附于五经字樣之末奉勅宜依开成二年八月十二日中书门下牒册府元 周太祖广顺三年六月尚书左丞兼判国子监事田敏献印板书五经文字五经字樣各二部一百三十防奏曰臣等自长兴三年较勘雕印九经书籍经注繁多年代殊邈传写纰缪渐失根源臣守官胶庠职司较定旁求援据上备雕镌幸遇圣朝克终盛事播文德于有截传世教以无穷谨具陈进是此二书曾有印板而自宋以来学者不之言何也

吏部南曹尊胜咒石幢【天宝七载】

在西安府学文庙櫺星门内【与六部题名石幢对立】左光允撰序

崇仁寺尊胜咒石幢【天宝七载】

在西安府城西十里【今名金胜寺】张少悌书今寺僧龕置经堂前知所爱防一字不损赵子函云深圆秀逸顾宁人谓以少悌之名存之

慈恩寺尊胜咒石幢

今在西安府城南寺内堂前

草堂寺尊胜咒石幢【在郿县杨万歲书】

经咒石幢秦中在处有之不下二千余种太宗昭陵前赵村内有石鼓寺鼓制如周宣王石鼓而稍大亦遍书尊胜经咒行笔甚佳石色甚美剥蚀过半予搜搨陵碑独略此今思亦觉可惜

嵩岳永泰寺尊胜咒石幢

在寺内庭西天宝九载

成都府尊胜咒石幢

字特大与前五石异太和五年马季武书嘉靖间土中掘出

来斋金石刻考略卷下

侯官林侗撰

唐

孔子庙堂碑【正书 武德九年】

评者谓虞永兴书如层台缓步高谢风尘又如行人妙选罕有失辞此碑武德九年奉勅撰书乃碑首有相题额【相乃王旦也】何以题额反居后耶盖古碑多无额至武后始增耳是碑谓与欧阳率更齐名而端体过之今经五代节度王彦超重刻原石不知亡于何时贾相公耽谓为青箱至宝盖指旧刻言耳其见重于当时如此今在西安府学文庙防门内东墀与智永千字文碑对峙碑已断今续而竖之嘉靖乙卯岁三秦地大震庙中碑其断而或存者幸也其碎而遂亡失者亦多矣碑高五尺二寸广二尺六寸计三十四行每行六十四字

宗圣观记【武德九年 书无名】

宗圣观唐奉老子为远祖故神其说谓尹文操游太白山覩异象立坛而祀之老子降于坛间不经实甚欧阳询撰序陈叔达铭 书无书者名经元人翻刻失其笔意耳石高六尺广二尺五寸计二十三行每行六十字在盩厔县中南楼观大殿前华阳录记云秦始皇好神仙于尹先生楼南立老子祠此祀老子之始晋元康中重更修葺葺木万株连亘七里给户三百供洒扫按尹先生相传为老子之师着尹真人经者有紫雪楼在盩厔县东三十里尹先生结草为楼望紫气西迈处今名楼观是也晋惠帝时重修唐高祖武德改为宗圣观蕪东坡通判凤翔来游诗古观正依林麓断居民来说水泉甘乱溪赴渭争趋北飞鸟迎山不复南羽客衣冠朝上象野人香火祝春蚕女师岂解言符命山鬼如何说老聃刻于碑侧子由亦有和诗

邠州昭仁寺碑

今在邠州长武县宜禄递运所内 按旧唐书太宗本纪贞观三年十二月癸丑诏建义已来交兵之处为义士勇夫殒身戎阵者各立一寺命虞世南李百药褚亮颜师古岑文本许敬宗朱子奢等为之碑铭以纪功业于是立昭仁寺于邠州破薛举处也立昭觉寺于洛州破王世充处也立宏济寺于汾州破刘武周处也立慈云寺于晋州破宋金刚处也立普济寺于吕州破宋老生处也立等慈寺于郑州破窦建德处也立昭福寺于洛州破刘黑闥处也并官给供度精蓝森列当日之颇山血海骤化为经狮律虎之场陈眉公品外录言之甚详石高七尺二寸广三尺计四十行每行八十四字称守谏议大夫骑都尉臣朱子奢奉勅撰而无书者名氏字类庙堂碑庙堂经五代翻刻稍觉丰逸此更劲瘦为虞伯施真迹可宝也余四过其地始得一纸装潢甚精为人借观不还又三十年往西凉重过其地复得两纸石多漶漫且僻在西陲圉人驿卒岂知爱重销沉易易耳余有过宜禄巡司读昭仁碑二律边沙夕起接天黄梵叹遗踪塞路长坚壁早教平薛举挥戈宁待识秦王战声尚想摇吴岳杀气潜消到上方缔搆高文应

卧读陇秦云树望苍苍晋阳兴运统戎衣百战功成四海归故垒尚浮龙虎气征裘犹带雪霜威连营鞞鼓千山动大漠旌旗夹日飞梵宇寂沉文石在拂尘读罢对斜晖

九成宫醴泉铭

九成宫今在麟游县西五里之天台山即隋仁壽宫也按开皇中文帝命杨素作仁壽宫于岐州北素遂铲山堙谷为崇台累榭宛转相属而役令严急丁夫毙者载道皆推填坑谷中覆以木石夷为平地帝颇知其事甚不悦后值歲晚帝偶登仁壽殿周望原隰见燐火弥漫又闻哭声令左右察之报曰鬼火也帝曰此辈皆以役死今年暮魂魄思归耶乃令设祭洒酒宣勅咒遣之自是乃息王元美谓郑公此文因隋氏之钜丽归唐德之俭损颂而有风体了然諫録中语渤海书书郑公文当知合也书防云率更书出大令森森若武库矛防虞永兴称其不择纸笔皆能如意高丽亦知爱重遣使请之其名大若此然太伤瘦俭古法小变独醴泉铭遒劲之中不失婉润尤为合作宫从蒿莱而碑独存覆以小亭繚以周垣山且多虎藁搨者必数人持械以上今碑既为海内所宝重已模糊矣复为恶令凿损三十余字亦何心哉余家藏宋搨旧本今特搨其碑额篆文与安喜使君碑同体皆阳刻可爱石高五尺二寸广二尺六寸计三十四行每行五十字麟游县学有吴道子画凌烟阁功臣像石刻今只存魏征王珪李勣侯君集四像余曾得之复为人窃去不胜惋惜

慈恩寺塔圣教序并记

三藏圣教序文皇帝所制也述三藏圣教序记高宗在春宫日所制也褚遂良奉勅书各为一碑文皇序龕塔门东高宗记龕塔门西风雨牧樵所不及故最完好二碑俱高四尺三寸广俱二尺一寸序计二十一行每行四十二字永徽四年十月建记二十行每行四十字永徽四年十二月建按高宗为文德皇后立寺曰慈恩寺作浮图曰慈恩塔今名雁塔以唐放进士榜于此有诸科进士题名石碑寺从废毁殆尽独塔巍然为鲁灵光在高坡之上曰塔坡其下有居民数十家今亦有寺而小非昔日之旧可知自宋熙宁火后塔不可登至万厯始加修葺有梯以上今复壞仅得陟至第四层而天府千里尽入目中矣但求唐人题咏如孟郊舒元舆之类不可得见塔下四门以石为栢栢上唐画佛精絶为游人恶札题刻可恨塔前近有碑亭万厯乙卯秦地震塔顶坠压亭圯碑碎唐题名无一存者只有尊胜石幢在东墀下无恙又唐史载高宗御制御书慈恩寺碑樊迎置寺中导以乘輿卤簿天竺法仪其徒甚盛上御安福门观之可想当日金碧之致今此碑已亡又其南为曲江杜曲韦曲诸胜今一望平畴为禾黍腴区名利如慈恩而泥积尘封僧徒数人负米南畝茫不知楞严法华为何物岂昔日过盛有时而衰耶使慈恩寺在江kao南报恩瓦棺不能独擅其美唐故事天子游幸秋登慈恩寺浮图进菊花酒称壽

同州圣教序并记

此以序与记并书一碑立同州倅防龙朔三年建石高五尺三寸广三尺计二十九行每行五十八字王元美谓遒逸婉媚波拂处虬如铁线似胜慈恩寺二碑元美考据详甚谓称龙朔三

年者按遂良以永徽六年贬汉州永庆三年徙桂州未防贬爱州歲余卒未尝生至龙朔也岂遂良尝书之至是始摹搨上石耶称永徽四年中书令臣褚遂良攷之本传宰相表遂良贞观末为中书令后罢永徽三年以吏部尚书同中书门下三品四年进尚书左仆射以前所署銜疑后人附益此不可知但疑以为翻刻则元美未至關中不知二石所在耳按玉海太宗制圣教序高宗为太子又述记并勒碑置慈恩寺浮图永徽四年十月褚遂良书则塔本似当年真迹而同州反胜或遂良偶然得意之书故亦勒之石耳

道因法师铭

李俨撰文欧阳通书龙朔三年建石高六尺二寸广三尺计二十四行每行七十三字今在西安府学墨洞王元美曰评者谓欧阳兰台疲怯于父而险峻过之道因碑如病维摩高格贫士虽不饶乐而眉宇间有风霜之气可重也赵子函谓兰台故学父书而小变为险笔时兼一分自是南北朝风流余韵李仲璇孔庙碑赵文渊书华岳可覆观也

定公断碑【龙朔三年 书】

三原县汉唐畿辅地县北六十里为白鹿原唐太祖永康陵高祖献陵敬宗庄陵武宗端陵咸在其上献陵葬万王二贵妃馆陶公主悼懷太子普滕王元婴河间王孝恭等十六王并州总管张纶等六臣之墓亦俱在今独淄川郡王李孝同墓碑存矣其他则上蔡侯臧懷恪东海郡公于辨机黄隋刺史于大猷都督臧希晏剑州长史李广业六碑存焉若燕公于志宁唐初指数其人物墓与碑俱在县北万壽乡碑额题曰大唐故柱国燕国公于公之碑县志载曰于立政碑误也癸卯之夏命工印搨三原诸古碑因得读燕国公之神道后又命役于原上广搜石迹于泥中得片碑仅存 书三百六十七字与马高唐公碑如出一手为殷仲容书无疑有曰以龙朔三年歲次癸亥二月葬于三原县万壽乡諡曰定公礼也云云与燕国于公葬同域同諡曰定其葬期在癸亥燕公葬以丙寅蓋前四年事也未知何人当于唐书再求之第此石前此不知埋没几何年从余搨后恐亦不能再见于世也

都尉李君墓志

君讳文字纬以麟德元年葬同州冯翊县武城乡之原石方总各一尺四寸计二十四行每行二十四字在同州学宫 贞观时有李纬太宗征辽房 齡居守以纬为民部尚书疏至太宗曰纬好须齡闻遽易之彼纬其名此纬其字新唐书 齡字乔单字唐时多有之或以此为褚河南书非也蓋唐初人之习褚书而逼肖者矣

燕国公于志宁神道碑

碑文剥落未知谁氏撰书石高六尺广三尺二寸计四十五行每行九十五字亦不知何年所建但薨于麟德二年十月而葬以干封元年丙寅歲十一月也癸卯夏予既得尽读三原诸石碑县志以此碑为于立政碑予窃惑之碑虽剥蚀数语可辨因考之唐书复与友人申崑驰谒

墓下搨其碑额曰大唐故柱国燕国公于公之碑了然无疑矣盖吏部郎中立政为君之子而东海公辨机黄隋刺史大猷又立政之子君墓与碑俱无恙尚有四石兽存若辨机大猷二君碑存而墓为田矣县志既不载燕公又不知立政墓所在乙巳歲修秦志董其事者为河濱李楷叔则先生余錄燕公墓碑始末乞改订志书叔则先生攘袂称善以为有功古人逾年余抵澶州叔则先生报书珍重云已改正乃今观秦志仍踵前讹何也如杜莱公如晦墓在昭陵亦复载于城南司马村段太尉秀实墓在隣洞县防岸斜口镇而复载于汧阳县郡邑乘不足信如此类甚多也又石墨镌华云赵明诚有定公曾孙默成碑默成为沛令早卒以子休烈显肃代朝亦得立碑默成不知为辨机为大猷之子此碑亦在三原则休烈至定公正为五世又按碑燕公祖谨周太师諡曰刚父宣道周大将军諡曰献定公七世于此可攷史既多逸县志又已不传贤人君子论定公之后犹有升沈显晦之数寓焉可慨也夫公高陵人今邑中尚有于姓读书出仕者

淄川郡王李孝同碑

在三原县北白鹿原不知谁撰诸葛思祜书咸亨元年石高六尺六寸广三尺计三十行每行七十五字剥蚀过半按公太祖之从祖弟淮安靖王神通之子太宗为秦公公焉乘间啓王曰秦公瞻视非常功业又大虽非储贰必膺宝历靖王心然之此亦可为先见矣诸葛思祜与内府临兰亭赵子函以为笔法虬健波拂处大类褚河南书可宝也献陵陪葬仅存此碑

碧落碑【咸亨元年】

今在绛州洛中记异录云刺史李湛为母房太妃追荐造像成有二道士来请书之闭戸三日乃开化二白鸽飞去篆文宛然像背此说怪诞然李阳冰观之七日而不忍去学之十二年而不成其妙如此又说阳冰毁其佳者数字而去篆文原刻像背州将以便摹搨别刻置庙中今所传皆摹本也其文曰有唐五十三禩龙集敦祥欧公谓为高宗总章三年董谓为咸亨元年按总章三年三月始改咸亨耳释文郑承规书咸通中立书法方整甚有欧虞遗意唐书言韩王元嘉垂拱中徙绛州刺史洛中记异则云刺史李湛为母房太妃追荐造像其说不合予按韩王元嘉与滕王元婴俱陪葬高祖献陵在三原县北房太妃当从葬于此也然陪葬献陵十有六王独淄川片石存耳诸塚星列不能指为谁是东望晋绛四百余里盈盈黄河衣带水间而已

集王圣教序

在西安府儒学墨洞咸亨三年奘法师西域归以二车驰载佛经六百五十七部诏译于慈恩寺僧徒数千人太宗为制圣教序高宗在春宫为制述圣教序记永徽初褚遂良奉勅书石两通竖于慈恩塔门之西东遂为释氏弁冕緇流仰瞻太宗喜右军真迹寺僧懷仁以一金钱易一字集成斯碑合二宗序记批答并心经勒成以天竺仪仗导至慈恩天子御楼以观可谓盛矣王元美云或谓结体无别構偏傍多假借盖集书不得不尔今慈恩已毁此石移在郡庠墨洞覆以广屋南向而宗孝经石台北向对立环以石经顏柳诸碑秦人谓之墨洞此碑极

为斯世宝重洞中诸匠人轮日摹搨殆无虚晷精彩无存略有形似而已嘉靖乙卯地震石断为二不特宋搨难即初断之搨亦难然世间流传已多重价可获未若定武兰亭之絶响也重刻者多妍丑互见原石方座螭首上下两傍皆刻佛像莲座极精石莹润身高六尺七寸广三尺计三十行每行八十六字

黄隋二州刺史于大猷碑

在三原县北原碑剥蚀强半不知撰书人圣历三年卒按碑文之可读者大猷为燕公志宁之孙吏部郎中立政之子东海郡公辨机之弟也赵子函谓书法全出登善峻防遒健可谓传神是碑无武后所制字疑非此时所立余至墓下去燕公墓不逮而削者过半

骑都尉冯本碑

周先天元年阎朝隐撰在高陵县西南七里男敦分书

镇军大将军契苾明碑

在咸阳县北五里原上姜师德撰殷元祚书周先天二年 石高八尺六寸广四尺一寸计三十八行每行七十七字碑最高大字多完好元祚亦习褚书而迫真者但用武后新制字耳

比丘圆满塔碑【正书】

在西安府城南华严寺 赵子函云铭石断残不能一半华严寺败垣中得书者无名全出褚登善波拂处虬健絶伦铭内有神龙二年并镇国太平公主等语当是中宗时人习登善书者

赠歙州刺史叶慧明书

今在金乡县开元五年江夏李【阙】 国子太学生【阙】 八分书
此为叶法善之父本传法善括州括苍人

三世为道士皆有摄养占卜之术高宗闻法善名征诣京师法善事高宗则天中宗殆五十年尝往来名山数诏入禁中尽礼问道然排挤佛法议者或讥其向背以其术高终莫之测也睿宗即位称法善有防助之功先天二年拜鸿胪卿封越国公仍旧称为道士止于京师之景龙观又赠其父为歙州刺史年一百七歳卒

兖州都督于辨机碑【开元五年正书】

在三原县北原据金石文字为姚崇撰石残缺无书名按辨机燕公志宁之长孙吏部郎中立政子刺史大

猷之兄封东海郡公赠兖州都督碑曰葬于三原县万壽乡之先茔余特谒燕公墓辨机大猷二碑相去不遠大猷墓仅存如堵墙辨机墓已平耳其碑存

庐山东林寺碑

在寺中开元五年李邕撰并书

云麾将军李思训碑【开元八年李邕撰书】

在蒲城县金粟山 北海此碑从赫赫人间米元章谓其崛健生疎似为未当下截已尽剥蚀上半存者风神奕奕朱秉器谓良乡亦有此碑文反谓蒲城者为赵文敏临书妄为臆断若良乡为赵书未可知矣杨用修谓其已断或以鐵束之又谓已亡皆无是事六诏传说不足信也思训陪葬睿宗桥陵墓现存而碑即在其前华岳精享昭应之碑【开元八年刘升分书】

在华陰县东五里华岳庙五凤楼内甬道东咸廙撰李休光题额 金石文字记曰其文即刻于后周天和三年颂碑之南面其右旁有顏鲁公乾元元年十月题名大字三行【阙】十【阙】字左旁有贾竦元和元年十月华岳庙寺诗太和六年四月侄男宣义郎行华州参军琚重修碑之下方亦有唐人题名此碑前后空处为宋人搀入题名甚多幸正文皆分书题名或或行不相混耳庙中古碑嘉靖末地震多毁唐碑惟此与韩择木二通俱完好

衡山岳麓寺碑【开元九年】

在寺中李邕书 东林碑与此碑二石皆拓本且石质粗刻手未精安及云麾碑王元美谓残楮断墨犹足倾倒赵子函谓可与云麾伯仲

镇军大将军吴文墓铭【集王书】

一曰兴福寺碑亦曰半截碑在西安郡墨洞 赵子函曰此碑断残弃西安城南隍中王生尧惠辈见之以语郡守昇置泮宫碑为大将军吴文立兴福寺僧大雅集右军书余观其笔法去圣教遠甚应是集字者不及懷仁而碑中有开元九年字疑又从圣教序诸刻中摹集非右军真迹也 顾宁人曰其文有夫人李氏圆姿替月润脸呈花唐人写状妇容犹有硕人诗意今人以为嫌不肯作此语矣

集王四十七字残碑

自懷仁集圣教序后唐人集王复有多种余命搨工遍搜残碑西安城南隍中有片石无字出其土中者得四十七字晋是以典疑广神后飡桂极佳教者之正合朽骨石异物传露添异空空无扬讚多尚书文林纷粵緣何以显知慈感纷紜宛然圣教初搨深叹唐石磨泐者多也此四十七字自余搨后不能再传于世也愧不及王生尧惠亦无好事郡守昇入泮宫装附吴文

墓志之后为集王之楷法

御史台精舍碑

在墨洞崔湜撰梁升卿八分书开元十一年 御史台何地而入精舍耶佞佛可鄙若湜之所为则更为佛教罪人特升卿声价重一时东封朝覲序石既为伧父所壞此碑独完好无恙耳

娑罗树碑【开元十一年李邕撰并行书】

在淮安府城中恶刻不足观遠不逮东林岳麓

净业法师塔铭【开元十二年】

在西安府城南香积寺毕彦雄撰无书者名 赵子函云法亦习褚登善者劲防似之而其钩磔处稍不及耳万厯间侍御杨修龄亟赏之遂多搨者石固完好

大智禅师碑并陰

在西安府墨洞严挺之撰史惟则八分书并篆额开元二十四年九月碑陰并记阳伯成撰史惟则分书开元二十九年 窦泉书谱称其古今折衷大小应变如因高而囑遠俯川陆而必见今观此碑信是开元间分书第一手智师见方技传传云开元二十年卒碑云二十四年三藏奘之卒传与塔铭亦不同

大德进法师塔铭

在西安府实际寺陈光撰僧智详正书开元二十五年七月碑残仅存形似书法亦是善学褚者

大德檀法师塔铭【开元二十五年正书】

在西安府城西金胜寺即唐崇仁寺姜立祐撰无书名赵子函云行草笔法圆健清逸当与建初大遍觉铭

并观

鐵弥勒像颂【开元二十九年】

在交城县石壁寺林谔撰房嶙妻高氏行书 寺自元祐至今三燬于火碑亦屡经重刻犹奕奕乃尔深得右军圣教之意闺阁用笔无出其右者 欧阳集古錄云余所集錄古文自周秦以下

讫于显德凡千卷唐居其十七八其名臣显达下至山林幽隱之士所书莫不皆有而妇人之书惟高氏一人尔其所书刻石存于今者惟此颂与安公美正颂二碑笔画字体遠不相类殆非一人之书疑摹刻不同亦不应相遠如此又疑好事者寓名以为奇也识者当自辨之 又云予与蔡君谟论书以为书之盛莫盛于唐书之废莫废于今余之所錄如于頔高骈下至陈游环等书皆有蓋武夫悍将暨楷书手辈字皆可爱今文儒之盛其书屈指可数者无二三人非皆不能蓋忽不为尔唐人书见于今而名不知于当时者如张师立繆师愈之类蓋不可胜数也非余錄之则将泯然于后世矣余之集古不为无益也夫

梦真容碑【蕪灵芝行书】

在盩厔县楼观 宗自言梦见 元皇帝云有像在京城西南百余里即命使同诸道士求得之于盩厔县楼观东南山阜间迎至兴庆宫开元二十九年四月事也

元灵应颂【天宝元载】

在盩厔县楼观戴琬撰序刘同升撰颂戴偁八分书赵岷曰此颂刻于宗圣观记之北面唐人分书甚佳但经元人翻本减弱矣碑侧宋蕪轼书并诗弟辙诗歲久剥蚀元人别摹一碑视碑侧字法亦减

隆闡法師碑

在西安儒学天宝二年 首行唐实际寺故寺主懷恠奉勅贈隆闡大法師碑銘并序其下曰懷恠及书蓋不可晓第其书亦自出圣教稍完媚乏萧疎之致矣

述圣颂

在岳庙东道院达奚珣撰吕向撰颂并正书天宝十三载 其陰之上方有韩赏岳神文韩择木分书下方有大历九年华陰令卢朝彻谒岳庙文有贞元九年十三年题名左旁有乾元元年张惟一祈雨记右旁有上元元年华陰县令王有等题名李枢书上为篆下为八分高宗干陵有述圣颂武后制文中宗书遒健得欧虞

遗意石来自于闕填以金屑照耀陵园后仆断为数段万厯间赵子函见其两段予登陵不见此石矣

心经【无年月郑万钧草书】

旧在长安百塔寺成化中西安守孙仁移置墨洞计三十行后尚有二年歲除先姊忌辰百塔寺内十二字今亦亡矣

祈雨记

在岳庙述圣颂之左侧张惟一撰李权分书乾元二年

华陰令王宥谒岳记【上元元年】

在岳庙精享碑下方上为篆下为八分李枢书 王伯厚言华岳题名五百十一人再题三十一人自开元迄清泰今存者惟此与述圣颂及鲁公乾元记不过二十余人而已又因地震之后以碎石装砌岳庙大门墙上亦有唐人题今王无异所搨得者通共九十二人有裴士淹李德裕李商隐名欧阳永叔云华岳题名自唐开元三十三年讫后唐清泰二年实二百一年题名者五百十一人再题名又三十一人录为十卷徃徃当时知名士也或兄弟同游或子侄并侍或寮属将佐之咸在或山人处士之相携或奉使奔命有行役之劳或穷高望遠极登临之适其富贵贫贱欢乐忧悲非惟人事百端而亦世变多故开元二十三年歲在丙子是年天子躬耕借田肆大赦群臣方颂太平请封禅蓋唐极盛之时也清泰二年歲在乙未废帝篡立之明年也是歲石敬瑭以太原反召契丹入自雁门废帝自焚于洛阳而晋高祖入自太原五代极乱之时也始终二百年间或治或乱或盛或衰而徃者来者先者后者虽穷达壽夭参差不齐而斯五百人者卒归于共尽也其姓名歲月风霜剥裂亦或在或亡其存者独有千仞之山石泉尔故特录其题名刻石每抚卷慨然何异临长川而叹逝者也治平元年清明后一日书

左金吾卫将军臧希晏碑

在三原县北白鹿原广德二年韩秀弼八分书希晏与其父右武卫将军懷恪伯父羽林大将军懷亮并兄弟七人墓俱在原上懷恪碑为顏鲁公书与此碑俱存其余墓在而碑亡

三坟记 先莹记

二石俱在墨洞俱李季卿撰李阳冰篆书

元吾丘衍学古编曰阳冰名潮杜甫甥也后以字行因以为名而别字少温 按杨用修以为潮另自一人顾宁人亦云阳冰赵郡人太白从叔其字少温见于宣和书谱与其名相应若名潮而以阳冰少温为字于义皆无取且阳冰工篆书潮工八分观赵氏金石录载城隍神祠记忘归台铭孔子庙记先莹碑三坟记等为李阳冰篆书而慧义寺弥勒像碑彭元曜墓志为李潮书则其非一人明矣 杜甫李潮八分小篆歌苍颉鸟迹既茫昧字体变化如浮云陈仓石鼓又已讹大小二篆生八分秦有李斯汉蔡邕中间作者絕不闻峰山之碑野火焚枣木传刻肥失真苦县光和尚骨立书贵瘦硬方通神惜哉李蔡不复得吾甥李潮下笔亲尚书韩择木骑曹蔡有隣开元以来数八分潮也奄有二子成三人况潮小篆逼秦相快剑长防森相向八分一字值百金蛟龙盘拏肉屈强吴郡张颠夸草书草书非古空雄壮岂如吾甥不流宕丞相中郎丈人行巴东逢李潮逾月求我歌我今衰老才力薄潮乎潮乎奈汝何

华陰令卢朝彻谒岳记

在岳庙与祈雨记同石大历九年

赠兵部尚书清源公王忠嗣碑

在渭南东關内大历十年元载撰文王缙正书碑陰宋崇宁元丰间王临吕希逸等过墓读碑各有题记按唐书本传忠嗣父海賓为五原太守开元二年七月与吐蕃战初以捷闻既败没子训方九歲帝召见入伏地哭帝抚之曰真羽林孤也吾当壮而将之赐今名养禁中長雄毅寡言为皇甫惟明所陷贬东阳府果毅以杜希望请赴河西从下新城破吐蕃功最转朔方节度与奚战桑干河取回纥右厢降叶防加左卫大将军塞外晏然忠嗣勇敢负气然为将乃持重自朔方至云中连袤数千里据要险筑城堡斥地益遠自张仁愿筑受降城而来忠嗣继其功佩河西陇右朔方河东四节度印控劲兵重地者万里近古未有也时方有事石堡城忠嗣以为未可李林甫因毁之上前于是诏董延光下石堡令忠嗣分兵应之忠嗣不得已未出军而赏格不立兵马使李光弼諫曰大夫爱惜士死有拒延光心虽名受诏付数万之众而不立重赏则何以贾士勇乎延光攻石堡不下必委罪大夫大夫奈何惜数万匹帛而以啓谗人之口乎忠嗣曰吾思之久矣得一城不足以制敌而空杀无罪数万人此忠嗣之所不为异日即天子见责吾亦何忍以数万人命博一官哉光弼曰大夫能行古人所行复何言遂趋出而延光果诉忠嗣沮兵防安祿山城雄武请忠嗣为助欲因留其兵忠嗣上言祿山必乱林甫益恶之诬忠嗣养宫中云吾欲奉太子帝怒下三司讯当死哥舒翰方有宠请以官爵赎忠嗣罪贬汉阳守卒年四十五后竟防石堡然死亡略尽如忠嗣言寶应间赠兵部尚书太子太师 宋祁曰以忠嗣之才防石堡之得不偿所亡高马直以空虜资识安祿山乱萌可谓深谋然卒死放地自古忠臣工于谋国则絀于身多矣可胜詫哉

王世贞曰哥舒之力争义者能之李临淮之先见智者能之清源仁者也所见遠而超矣 来斋林侗曰王海賓战死青海西 宗育孤于禁中恩隆宠渥千载下为之感泣况身受其赐者乎清源之不为身谋良有以也特 宗始厚而终薄始任贤而终信防亦始治而终乱然而社稷无隕唐祚再安用旧日之部曲成光复之大功其一念诚恳夫固有入人深者矣 按元载清源之女夫为妇翁制隧石文事与史传合第沿六朝余韵语多骈偶不足以阐发清源之伟略大节耳王缙乃右丞维之弟当日诗称王维崔灏书称王缙李邕且谓其过薛少保稷缙书固自知名松雪翁之所师资也载缙并相终以贿败载信有罪乃其妻王氏付长安县杖杀之曾不得邀清源公一世之宥可与邳侯之子同一慨也

东明五言诗

在秦藩司后堂西仓台前 前首 笔谢灵运书四字遂传为谢康乐笔矣而董元宰收入戲鴻堂帖防之曰项元度出示谢客真迹予乍展卷即命为张旭卷末有丰考功防项持谢书甚坚予谓元度曰四声定于沈约狂草始于伯高谢客时都无是也且东明二诗乃庾开府步虚词谢安得预书之乎元度曰此陶 景所谓元常老骨更防荣造者矣遂为改防第不知初刻石时果何所据以为谢也

千字文断石 肚痛帖

二石俱在西安墨洞张旭草书帖云忽肚痛不可忍不知是冷热所致欲服大黄汤冷热俱有益如何为计云王元美谓二帖出鬼入神恍惚不可测今千字文断石有五而肚痛一帖宋人李丕绪为僧彦脩刻草诗附刻此帖于末元美谓僧札极恶岂可先于长史予装潢之际以东明千字文肚痛为张长史三帖且谓素师所景行故录于素师之前其彦脩草书不录

懷素自序帖

懷素自序草书大历十二年丁巳十月嘉靖间长洲文氏刻于石 元美曰此帖如并州劲鐵北山迅鷹奇矫无前独冠诸种然坐此亦不得与二王盟仅崛强江淮耳真迹歷数相臣家归陆宰近闻一总帅以八百金购之复入平津邸矣于乎素师不习莲花梵字作此有为迹墮落縑素伴朱提入紫闥宛转粉黛间对肥肉大酒不亦重痛辱哉安得祖龙火了此累劫障为快也此帖前入严相宅今又不知落何所矣

赠扬州都督段行琛碑【张增正书】

在汧阳县无撰者名李同系篆额大历十四年 按行琛段太尉秀实父也汧阳人墓在汧阳以太尉贵赠扬州都督死于朱泚之难德宗改葬太尉防岸东御制碑文皇太子诵书末云以志吾过且旌善人今在临潼县斜口镇碑亡矣墓存俗呼为烈士塚未尝归葬汧阳秦通志于汧阳县载段府君行琛墓又载太尉段秀实墓何未深考欤予装此帖录德宗碑并柳宗元所上太尉逸事状于后遂成完观 碑云行琛字行琛高标甲科贲丘园而用晦次子秀实投笔占募广德二年九月赠府君秘书省著作郎狄夫人太原县太君上以王翊亮三朝大历十年五月加赠府君婺州刺史夫人太原郡太夫人十一年冬旧使马璘表王自代诏迁御史大夫十三年五月赠扬州大都督夫人沂国太夫人府君蓋三赠官云 太尉守泾州御吐蕃弹箏峡予过泾吊太尉诗并录段公何烈烈宛委伸其节杀贼恨不死笏乃不如铁浩气激沧溟日月力提挈边城秋色暗游子泪呜咽泾水作箏声崆峒五月雪黑雾湿征衣晨兴野径灭防马登高原黄沙埋战血遐想英特资天空心胆热唐室既中衰如何多俊杰常山与睢阳烹妾与抉舌八十老鲁公之死不少折徒保七尺躯视息犹螻蛄改修季子延陵庙碑【大历十四年萧定书】

在丹阳县

景教流行中国碑

今在西安城西金胜寺内僧景净述吕秀岩书建中二年 石高五尺四寸广二尺六寸计三十二行每行六十二字明崇祯间西安守晋陵邹静长先生有幼子曰化生而隼慧甫能行便解作合掌礼佛二六时中略无疲懈居无何而病微瞑笑视翛然长逝卜葬于长安崇仁寺之南掘数尺得一石乃景教流行碑也此碑沉埋千年而今始出质之三世因緣此儿其净头陀再来耶则佳城之待沈彬开门之俟阳明此语为不诬矣见频阳刘雨化集中字完好无一损者下截及末多作佛经番字

三藏不空和尚碑

在西安郡庠严郢撰徐浩正书建中二年 旧唐书王缙传云初代宗喜祠祀未甚重佛而元载杜鸿渐与缙喜饭僧徒代宗尝问以福业报应事载等因而啓奏代宗由是奉之过当尝令僧百余人于宫中陈设佛像经行念诵谓之内道場其饮膳之厚穷极珍异出入乘厩马度支具廩给每西蕃入寇必令羣僧讲诵仁王经以禳虏寇苟幸其退则横加锡赐胡僧不空官至卿监封国公通籍禁中势移公卿争权擅威日相凌夺凡京畿之丰田美利多归于寺观更不能制僧徒虽有藏奸蓄乱败戮相继而代宗信心不易乃诏天下官吏不得捶曳僧尼又见缙等施财立寺穷极 丽每对扬啓沃必以业报为证以为国家庆祚灵长皆福报所资业力已定虽小有患难不足道也故禄山史思明毒乱方炽而皆有子祸仆固懷恩将乱而死西域犯阙未击而退此皆人力所未能制也帝信之愈甚公卿大臣既推以业报则人事弃而不修故大厯刑政日以陵迟有由然也五台山有金阁寺铸铜为瓦涂金于上照耀山谷计钱巨亿万缙为宰相给中书符牒令台山僧数十人分行郡县聚徒讲说以求货利代宗七月望日于内道場造盂兰盆防饰以金翠所费百万又设高祖以下七圣神座备幡节龙伞衣裳之制各书尊号于幡上以识之舁出内陈于寺观是日排仪仗百寮序立于光顺门以俟之幡花鼓舞迎呼道路歳以为常其伤教之源始于缙也史传所言佞佛之弊至切故具録之按此碑不空以一胡僧而官至特进大鸿臚开府仪同三司肃国公遂为后代沙门授官之祖吁亦异矣 府元

载不空赠官诏曰大道之行同合于异相王者至理总归于正法方化成之齐致何儒释之殊涂故前代帝皇罔不崇信法教宏阐与时偕行特进试鸿臚卿大兴善寺三藏沙门大广智不空我之宗师人之舟楫超诣三学坐离于见闻修持万行常示于化灭执律舍缚防戒为仪继明善教之志来受人王之请朕在先朝早闻道要及当付嘱常所归依每每执经内殿开法前席凭几同胶序之礼顺风比崆峒之问而妙音圆演密行内持待扣如流自涯皆悟涤除昏妄调伏魔冤天人洗心于度门龙鬼受职于神印固以气消灾厉福致吉祥当有命秩用申优礼而得师为盛味道滋深思复强名载明前志夫妙界有庄严之士内品有果地之仪本乎尚德敬顺时典可开府仪同三司仍封肃国公赠司空諡曰大辩正广智不空三藏和尚 按浩传曰父峤之善书以法授浩世状其书曰怒猊抉石渴骥奔泉尤为司空图所爱又尝论书曰鹰隼乏彩而翰飞戾天者骨劲而气猛也翠翟备色而翱翔百步者肉丰而力沉也若藻耀高翔书之凤凰矣可谓夸诩之极今观此碑虽结法老劲而防少清逸在唐书中似非其至者而宋人之能书者多祖其笔惟莆阳师宗鲁国故为迥出

武康郡王李元谅懋功昭德颂碑【即骆元光赐姓名】

在华州治大内门张蒙撰韩秀弼分书李彝篆额贞元五年 旧唐书李元谅传元谅本名骆元光尝在潼關领军积数十年军士皆畏服德宗居奉天贼泚遣伪将何望之轻骑袭华州刺史董晋弃州走望之遂据城将聚兵以絶东道元谅自潼關将所部乘其未设备径攻望之遂防华州望之走归元谅乃修城隍器械召募不数日得兵万余人军益振以功加御史中丞贼泚数遣兵来寇辄击却之迁华州刺史兼御史大夫潼關防御镇国军节度使与副元帅李晟进收京邑力战壞苑垣而入遂复京师赐姓李改名元谅官终陇右节度使

懷素圣母帖

在西安郡庠草书贞元九年 王元美云素师诸帖皆遒瘦而露骨此书独匀穩清熟妙不可言唯姿态少逊大令余翩翩近之矣

赵子函云此石元祐年刻刻手极佳与藏真律公帖俱不失素师笔意

懷素藏真律公二帖

在西安郡庠 王元美云懷素藏真律公二帖乃游丝笔意萦回怳 中有挽强饮石之劲至不易得防尾周越书得其遗意蒋之奇书有苏黄法皆可重也赵子函云以下诸防皆可删李白防尤属贗作

千字文【懷素草书】

在西安郡庠 赵子函云此帖明成化间余肃敏公刻于石者书故横肆以刻手不良遂使素师婉转清逸趣十失其五所未亡者骨肉耳视前二帖斯为下矣

劔州长史李广业碑

在三原县北原与淄川郡王孝同碑近贞元二十年郑云逵撰碑泐不知谁正书 杜甫赠劔州李长史广业诗使君高义驱今古寥落三年坐劔州但见文翁能化蜀焉知李广未封侯路经滟滪双蓬鬓天入沧浪一钓舟戎马相逢更何日春风回首仲宣楼 王元美云长史名广业曾祖淮安王神通父云麾将军璿子为都统国贞贞子庶人锜也以锜显故立碑碑立未五年而锜用叛僂矣夫一传而子死事再传而孙死叛不亦大迂庭哉碑词多泐阙不可读书撰人有曰尚书刑部侍郎上柱国原武男有曰使持节华州诸军事者而皆不可攷矣书法极清婉可玩集古金石诸书具遗之因志其略 赵子函云广业即孝同之孙为劔州长史长子国贞为王元振所害者次子若水仕金吾卫大将军通事舍人功名俱不显以国贞子锜始树此碑攷之史国贞原名若幽而附若水于李齐物传云齐物族弟不言为国贞亲弟又孝同碑中有子璿此碑云云麾将军璿公之烈考则广业家世歷歷可寻至锜以叛遂亡此碑贞元二十年立后五年锜始叛也今碑中有云谓云逵尝学旧史云云而前署撰官刑部侍郎当是郑云逵攷云逵正与李锜同时撰文无疑但碑文又上柱国原武县开国男云逵传不及或史略之耳书者则诚不可攷书法真乃徐浩敌手

楚金禅师碑

在墨洞鲁公多寶塔碑陰沙门飞锡撰吴通微正书贞元二十一年 岑参有登千福寺楚金禅师法华院诗即此 赵子函云吴通微为学士工行草然有讥其近吏者此碑清圆婉逸虽钩磔小减而亦微有晋人丰度

贾竦谒华岳庙诗

诗五字十八韵刻于后周天和二年华岳碑之右旁正书元和元年

蜀丞相诸葛武侯祠堂碑

在成都府裴度撰柳公绰正书元和四年 孙樵刻诸葛武侯碑陰文曰赤帝子火炽四百年天厌其热泊献烬矣武侯独不愤不顾收死灰于蜀欲嘘而再然之艰乎为力哉是以四称武岐雍间地不尺濶抑非智不周天意炳炳然也夫以武侯之贤宁靡筹其不可也蓋激备隆中天下托不欲曲肱安谷终儿女子手将驰驱死备志耶由是覈武侯之所为殆庶几矣然跨西南一隅与吴魏抗国提卒数万绰绰乎去留无我枝者是亦善为兵矣史壽以为短应变真抑武侯哉俾武侯不早入地曹之君臣将奔走固圉之不暇钟邓宁能越岩悬兵决胜指取耶是井络之野与武侯存亡俱矣天殲武侯其不爱刘愈明白其姜维何力焉曩蟠南阳时人不与仲毅伍泊受社稷寄擅刑赏柄曾心不愧畏人不疑黷何意气明信卓卓也武侯死五百载迄今梁汉之民歌道遗烈庙而祭者如在其爱于民如此而久也独谓武侯之治比于燕爽彼屠齐城合诸侯在下矣 此文既刻于碑陰而无印本传世明末大盗张献忠入蜀屠杀之惨亘古未有万里烟絕侯神人也庙貌得保无恙家大人刺达州予拟游锦江浣花未果此碑予得之故家宦蜀者而録孙文于装本之末

狄梁公祠堂碑

在大名府城南冯宿撰文胡证书元和七年 梁公功在社稷泽在民生固宜血食不朽宁州碑虽不传而传于天下之人心者千古如覩也此碑魏博节度田宏正所建武后通天中契丹陷冀州河北震动武后以梁公为魏刺史魏人德之旧有祠经乱而废宏正因旧址复为重建按宏正原名兴元和七年以相卫澶贝魏博六州之地归朝请吏李绹固争宜即以节使授兴因赐名宏正且以帑钱百五十万犒将士命知制诰裴度往宣慰即其时也诸藩镇宏正为最忠顺其后父子皆死国祠堂之作亦忠义气节之所发欤

内侍李辅光墓碑

在高陵县崔元略撰巨雅正书元和十年 赵子函云清劲有圣教遗意葬在咸阳东北近泾万厯中泾岸崩拥水不流三日乃得兹石其铭曰水竭原迁斯文乃传适符其事可为奇矣

义阳郡王苻璘碑

在富平县儒学李宗闵撰柳公权正书永贞元年 宋王楙墅客丛书曰苻坚其先本姓蒲其祖以防文改为苻符融其先鲁顷公孙仕秦为符玺郎以符为氏故苻坚之姓从草符融之姓从竹二姓固自不同而唐义阳郡王苻璘碑合从竹而书作苻而苻坚之苻又书从竹者皆失于不勘耳余考汉碑 书率以竹为什少有从竹者如符节字皆然今前汉书苻瑞多从草魏晋

以下真书碑亦有书符节为符节者盖古者皆通用故耳此又不可不知顏元孙干禄字书曰从草者姓从竹者为印亦未之察也不知符融之符独非姓乎

邠国公功德碑

在西安庠杨承和撰并书陆邳篆额长庆二年十二月此宦者梁守谦造经于兴唐寺而防军中尉杨承和

为铭之书之者也谄媚宦寺为平蔡之功十居五六小人无忌由来旧矣此碑何足存当椎而碎之特其书全法欧阳兰台耳都穆金薤琳琅曰邠国公者内侍梁守谦也考之唐史宦者守谦无传惟宪宗元和十五年书帝暴崩于太极殿中尉梁守谦王守澄等共立太子杀吐突承璀及澧王恠而韩文公平淮西碑亦载守谦在帝左右尝命之往抚蔡师夫守谦以一宦而爵至上公此可见其信任小人宜其晚节不终卒死于宦者之手然予録此盖将为天下后世之戒而非徒取其文字也

西平郡忠武王李晟碑

在高陵县裴晋公度撰柳公权正书太和三年王元美云是时西平诸子皆已逝独太保聽存乞晋公文寥落不能发其忠义戡定之绩至于料吐蕃背盟事绝不载盖听于其时徒见晋公禄位勲业之盛几埒西平意其文足以光显其先而不知晋公虽非忌者自以为位宰相文崇简要体当如是而于西平之元功伟略十不着一二呜呼今碑首云奉勅撰书序末云乃命臣度称代言时似非聽乞也王元美岂未读全文耶元敬又録其官时与史不合者极详今抄具左

碑谓晟由左清道率歷三府右职累迁至光禄太常卿传则云授特进试太常卿碑谓晟为泾原四镇北庭节度都知兵马使代宗征之以左金吾卫将军为神防军兵马使传则云以右金吾卫大将军为泾原四镇北庭兵马使碑谓晟平蜀还授检校太子宾客而传不书碑建中二年以晟为神防先锋都知兵马使加御史中丞寻拜左散骑常侍兼御史大夫传则云晟为神防先锋加检校左散骑常侍兼魏府左司马寻授御史大夫碑谓皇居失守授晟检校工部尚书充神防行营节度使传则云诏拜神防行营节度使碑谓大驾再迁加检校右仆射寻转左仆射同平章事兼京兆尹神防军京畿鄜坊节度观察等使管内及商华等州副元帅复诏晟兼河中晋绛慈隰节度使又兼京畿渭北鄜坊丹延节度招讨使又进京畿渭北鄜坊商华兵马副元帅传则云进晟尚书左仆射同中书门下平章事复诏晟兼河中晋绛慈隰节度又兼京畿渭北鄜坊丹延节度招讨使又进京畿渭北鄜坊商华兵马副元帅碑谓銮辂爰归拜司徒兼中书令俄以本官兼凤翔尹凤翔陇右节度观察等使及四镇北庭泾原等州副元帅改封西平郡王传则云拜晟司徒兼中书令寻拜凤翔陇右泾原节度使兼行营副元帅徙王西平郡晟之碑作于当时而史成于后代要当以碑为是 蘇子瞻李西平王像讚以予观西平王提孤军自北方赴行在走懷光斩朱泚如反掌迨其后帅凤翔与陇右瞰河湟兵益振谋既臧终不能取寻常堕贼计困平凉卒罢兵仆三将谁之咎在庙堂斩马剑诛延赏为菹醢不足偿

览遗像涕泗滂 西平墓在高陵葑薶荒凉人尚谓此碑为三絶王元美谓晋公文寥落不能发其忠义戡定之绩而柳书亦为劣刻所掩何西平之多不幸耶三絶殆虚语矣偶读蕪公贊聊补晋公之略録此以志一慨

礼部尚书冯宿碑

在西安郡庠王起撰柳公权正书开成二年 赵子函云此碑柳书结字小差胜 秘塔碑尚不堪与薛稷雁行杨用修云亚庙堂碑过矣大都柳书筋骨太露不免支离宜米南宫鄙为恶札而宣城陈氏之笑其不能用右军笔也 韩昌黎与冯宿论文书曰辱示初筮赋实有意思但力为之古人不难到但不知直似古人亦何得于今人也仆为文从每自测意中以为好则人必以为恶矣小称意人亦小怪之大称意则人必大怪之也时时应事作俗下文字下笔令人慙及示人则人以为好矣小慙者亦防谓之小好大慙者即必以为大好矣不知古文直何用于今世也然以竢知者知耳昔扬子云着太 人皆笑之子云之言曰世不我知无害也后世复有扬子云必好之矣子云死近千载竟未有扬子云可叹也其时桓谭亦以为雄书胜老子老子未足道也子云岂止与老子争强而已乎此未为知雄者其弟子侯芭颇知之以为其师之书胜周易然侯之他文不见于世不知其人果何如耳以此而言作者不祈人之知之也明矣直百世以俟圣人而不惑质诸鬼神而不疑耳足下岂不谓然乎近李翱从仆学文颇有所得然其人家贫多事未能卒其业有张籍者年长于翱而亦学于仆其文与翱相上下一二年业之庶防乎至也然闵其弃俗尚而从于寂寞之道以之争名于时也从不谈聊感足下能自进于此故复发愤一道 唐文之衰冯公独能力进乎古为昌黎所推许生无愧秩宗之官死而柳公权为之书碑今又列于泮宫冯公亦足以不朽矣第碑移竟失墓所惜哉

大徧觉 樊法师塔铭

在西安府城南兴教寺刘轲撰僧建初行书开成四年五月 樊法师始出塞凉州都督李大亮留之不聽去且奏闻边臣之风纪凜然高祖勅放行崎岖西域十七载得番经六百五十七部而还诏译于慈恩寺再译于洛中自佛法入中国至是始大行于世也按唐书法师从天竺东归婆罗门国王尸罗逸多遣使随入朝贞观二十年命长史王元防往慰之蒋师仁为副未至尸罗逸多死其臣阿罗那顺自立发兵拒元防元防时从骑才数十战不胜皆没时吐蕃以尚主亲中国元防挺身奔吐蕃西邮檄召隣国兵吐蕃泥阿婆罗皆将骑士以来二十一年五月元防部分之攻和罗城三日破之阿罗那顺委国走合散兵复阵师仁破擒之获其妃王子万二千人杂畜三万降城五百八十献俘告庙法师且亲见之矣天竺居葱岭南去长安万里自古未有使至其国者法师以取经为其王敬信其臣阿罗那顺悖逆遂以召戎至于君臣系累万里为俘中国之威灵于佛法何有哉今阿罗那顺刻石肖像于唐太宗昭陵列诸番君长十四石人之末侍立北阙背刻曰婆罗门帝那伏帝国王阿罗那顺云 赵子函云 樊从居西域广译佛言唐太宗极尊崇之据史卒于显庆六年即龙朔元年铭则云卒于麟德元年之二月史云年五十六铭云年六十九先葬浚东后移徙樊川北原即少陵原文宗开成四年刘轲撰文僧建初行草秀劲有法而文亦粗能言师事复可存也

安国寺寂照和尚碑

在咸阳县东门内寺中佛堂前段成式撰僧无可正书开成六年正月 赵子函云此碑在咸阳西马跑泉地中武功康子秀先生过而识之以语土人豎于道傍其后王咸阳移之咸阳城中寺以碑有安国寺字遂改名其寺为安国寺按碑段成式撰僧无可书成式文笔自奇此文为佛言尤奇无可贾岛从弟有诗集传世其书法出柳诚悬而优孟者子秀名櫟太史德涵子也

秘塔碑

在西安郡庠裴休撰柳公权书防昌元年 赵子函云塔为大达法师建者书虽极劲健而不免脱巾露肘之病大都源出鲁公而多踈此碑是其尤甚者

杜顺和尚行记

在西安府开佛寺杜殷撰董景仁草书大中六年【阙】月赵子函云碑在开佛寺董景仁行草亦清劲但小弱耳

圭峯定慧禅师传法碑

在鄠县草堂寺裴休撰并书柳公权篆额大中九年十月 赵子函曰此碑书法全出欧阳信本而瘦劲不及也当时柳诚悬书名动一时乃任篆休自任书亦信能书也余不敏窃谓此固当胜柳书 金礼部尚书赵秉文自号闲闲游草堂寺诗五首寺僧刻之石首篇云下马来寻题壁字拂尘先读草堂碑平生最爱圭峰老惟有裴公无媿辞五诗可颂字尤佳

吏部题名石幢

在西安府儒学防门内大中十一年十一月 按宋张舜民画墁録曰长安今府宇即唐尚书省也府院即吏部也府録防前石幢即郎官题名石也不知何年移此柱八面每面为三段或四段曰左司郎中曰左司员

外曰吏部郎中曰吏部员外郎曰司封郎中曰司封员外郎曰司勳郎中曰司勳员外郎曰考功郎中曰考功员外郎曰户部郎中曰户部员外郎曰度支郎中曰度支员外郎曰金部郎中曰金部员外郎曰仓部郎中曰仓部员外郎曰礼部郎中曰礼部员外郎曰祠部郎中曰祠部员外郎曰膳部郎中曰膳部员外郎曰主客郎中曰主客员外郎按唐制二十四司以尚书左右丞领之左右司为之副此皆左丞之属也题名不及左丞者自五品以下也十二司司各百余人后题大中十二年十一月书镌上石柱故自唐初迄宣宗诸名臣多在焉唐诸司官名或改或复或省或复置今不书所改者从旧制也书者不知为何人笔法出欧阳率更兼永兴河南虽骨力不逮而法度森然蓋唐世之书判取士顏元孙至以干禄命其字樣故人多习书而欧虞褚薛一代前矛故多用其法也

脩武安君白起庙记

在咸阳县中古杜邮正书无名干符五年 白起为秦将虽有功而杀秦民不少惨毒寡恩杜邮其赐死地后人立祠祀之何哉至唐乃能见梦于人云当为国家捍西患未防吐蕃入寇败去遂得脩庙之典亦异矣秦俗歲除城郭村墟凡十字街筑土作大人头空其内剔抉其眼鼻七孔聚薪于内焚之烟火自孔中出谓之烧白起怨毒至今犹未改耶 赵子函曰壁间石记正书遒劲亦有欧法知唐世官牒无不作佳书也记中所立添置物色有眇子舍一十间沙子三间伞一顏石押衙影等皆不可晓

济安侯庙记

在华州城隍庙内近移西安李巨川撰郭懷素正书光化二年唐昭宗自华州还京改华州为德兴府封少华山神为佑顺侯封城隍神为济安侯此文多述韩建之功称太傅许国公而不名

唐故左龙武军统军检校司徒赠太保陇西李公神道碑
唐故使持节代州诸军事代州刺史李公神道之碑

朱彝尊曰代州栢林寺东晋王李克用墓断碑二赠太保文曰公讳国昌字德兴今为陇西沙陀人伟姿容善射蓋克用之父朱邪赤心也代州刺史文曰公即太保之次子也其名克字仅存余可识者有公前跃马弯弓及徐方等数字 按史克用兄弟四人次曰克让为振武军校从讨王仙芝以功拜金吾卫将军宿卫京师赐第亲仁坊自克用称兵云中杀守将段文楚诏捕克让克让与仆十余骑弯弧跃马突围出奔雁门与碑文合则为克让无疑但史载克让守潼關与黄巢兵战败匿南山佛寺中为寺僧所杀不言其为代州刺史又得归葬于代皆不可晓者当欧阳永叔时去五代甚近沙陀世次已不得详其为唐人传谓太祖四弟皆不知其父母名号至国昌字德兴纪亦遗之是二碑永叔亦未之见也 按五代史后唐庄宗先号朱邪出西突厥后世别号曰沙陀德宗时有朱邪尽忠者为吐蕃贊普所杀子执宜归唐居定襄其部落万骑皆骁勇号沙陀军执宜死其子曰赤心懿宗咸通中神防大将康承训讨庞勋于徐州以朱邪赤心为大原行营招讨沙陀三部落军使从讨勋拜单于大都防镇武军节度使赐姓名李国昌属籍沙陀益横恣懿宗徙国昌云州刺史大同军防御使称疾拒命子克用为云州守提师杀使遂杀大同军防御使段文楚据云州自称留后唐以太仆卿卢简方为振武节度使防幽并兵讨之简方军溃沙陀愈侵掠代北为边患明年僖宗立以李钧为灵武节度使以招辑之拜克用大同军防御使居久之国昌出击党项吐浑赫连铎袭破振武克用闻之自云州往迎国昌而云州人亦闭關拒之国昌父子无所归因掠蔚朔间得兵三千僖宗拜铎大同军使以李钧为代北招讨使以讨沙陀唐兵数败沙陀益炽北据蔚朔南侵忻代岚石至于太谷广明元年李琢李可举赫连铎防击沙陀克用叔父李友金以蔚朔州降唐可举琢又连败之沙陀大溃克用父子亡入契丹克用少骁勇军中号曰李鷁儿其一目眇及其贵也又号独眼龙居久之又惧契丹图已时从羣豪射猎羣豪皆服黄巢已陷京师中和元年代北起军使陈景思发沙陀先降者与吐浑等万人赴京至绛沙陀掠而还景思承制以克用为代州刺史雁

门以北行营节度使率蕃汉万人过太原又大掠还二年十一月景思克用复以步骑万七千赴京师正月至河中巢党惊曰鶚儿军至矣遂连败贼兵是时诸镇兵皆防长安大战渭桥贼败走入城克用乘胜追之自光泰门先入战望春宫升阳殿巢南走京师平克用功第一拜检校司空同中书门下平章事河东节度使以国昌为雁门以北行营节度使十月国昌卒未十年克用封晋王数年亦卒子存勗嗣晋王十余年梁灭唐存勗即皇帝位继唐祚立高祖太宗以下七庙尊祖考曾祖执宜祖妣崔氏皆諡曰昭烈庙号懿祖祖国昌祖妣秦氏皆諡曰文景庙号献祖考克用諡曰武庙号太祖立庙于太原

唐福建观察使司徒陈公墓志

公讳岩字梦臣闽建州人乡进士黄璞撰文安定胡兆祉书景福二年八月立按朱子纲目僖宗中和四年甲辰十二月以陈岩为福建观察使初黄巢转掠福建建州人陈岩聚众数千保乡里号九龙军观察使郑镒表以自代岩为治有威惠闽人安之昭宗二年辛亥十二月福建观察使陈岩卒岩疾病遣使召泉州刺史王潮欲授以军政未至而卒都将范晖讽将士推己为留后发兵拒潮潮遣弟审知攻福州入其城潮自称留后素服葬岩以女妻其子延晦厚抚其家康熙甲申九月石工有以旧铭石来求售者谛视知为陈公墓志叹詫久之众议舛置郡庠按黄巢之乱涂毒中原至于陷京师惟沙陀李克用破之于北陈公驱之于南李氏竟代唐而有天下为唐室立九庙陈公于南方观察九载授军柄于王潮以及审知奉唐正朔念余年保境息民陈公之功德于闽甚钜璞铭文叙次颇详志云厝于闽县敦业乡太平里宋太平兴国间析置懷安县前明万厯并入侯官今北郊三十八都是也此石出于北郊村民黄福之家福于屋后浚沟得之遂加发掘见圻中石室規制宏壮时乡隣多目击者佗父俗儿乌知其为名贤蛰骨之区而防惜之哉乙酉春仲诸生陈祈广等相率上其事于制府牒下有司乃有豪强奄有其地欲毁古塚而作新坟多方狡辩展转支离甚至指铭文厝字为非葬夫纂额明书墓志铭矣今以为非葬则孝经云卜其宅兆而安厝之者非欤终则摭建宁县志以为疑案夫纂辑志乘出于后人之手攷据失实如李忠定公墓今在侯官桐口大家山而邵武郡志无锡县志皆载有公墓朱夫子墓今在建阳考亭山而徽郡志亦载有公墓此类殊多即建宁县志亦云今已无迹矣其出流传附防可知岂若志铭为当年殉葬法物大书深刻正以防陵谷之变迁为千古不磨者哉有司一惟豪强之言是听诸生数屈辱于公庭灰心结舌以古宪之丰功伟烈一坏莫保吁可胜叹哉予于唐末既得沙陀李氏二残碑今又得读陈公墓志窃叹二人功迹相类防碣荒碑皆可寶也代州志载晋王墓明时为土人所发能见梦于神宗官为完之岂陈公一代人杰而今灵爽遂尔销沉哉可慨也

晋王李克用北岳庙题记

河东节度使检校太保同中书门下平章事陇西郡王李克用以幽镇侵扰中山领蕃汉步骑五十万众亲来救援与易定司空同申祈祷翌日过常山问罪时中和五年二月二十一日克用记易定节度使检校司空王处存看题至三月十七日以幽州请就和好遂却班师再谒晬容兼申赛谢便取飞狐路却归河东克用重记天防十二年七月六日尚书都官员外郎知曲阳县事高君陈摹刊朱彝尊曰文称中和五年二月者即光啓元年考僖宗以是年二月至鳳

翔三月还京改元之诏防未下通鉴遣将康君立救处存两题名则云领蕃汉兵五十万众亲来救援与通鉴异文云至三月幽州请就和好遂班师取飞狐路却归河东则又史所不及载者